



K499

get **free 1 GB**

on every purchase of 4G WiMax

Buy yours at Telikom PNG Business office now

Available at POM, Loe, Madang, Kokopo and Kimbe

Delivery within 5 working days

24/7 Customer Care on 345 6789 website: www.telikompng.com.pg

Follow us on Facebook 16000000

ANGRY BIRDS GEIM FRI!

Nokia Jazz nau i kam wantaim Angry Birds geim long K299 tasol. Kaim wampela toka ol i pins.

ANGRY BIRDS



Nokia Jazz K299



SCAN HERE

Joinim Digicel Nao!
www.digicelpng.com
Digicel Terms na Konditions apai.

Digicel

PNG's Bigger, Better Network.

MIPELA REDI PINIS...(L-R)
Col Andrew Macnab bilong Australian Difens Fos, Ilektral Komisina, Andrew Trawen, Sif Sekretari bilong Gavman, Manasupe Zurenuoc, na Lt-Col David de Koning bilong Nu Silan(New Zealand) Ea Fos i sanap pas long ol si-tru balot bokis bilong yusim long Ileksen 2012. Poto: Aja Alex Potabe



Ileksen samting bilong Hela, Jiwaka i redi

Aja Alex Potabe i raitim

OL SAMTING bilong yusim long Ileksen 2012 long Hela na Jiwaka i redi pinis, Sif Sekretari

bilong Gavman i tok.

Manasupe Zurenuoc i tok ol samting o poling metariel bilong dispela ileksen i redi pinis long salim i go aut long wan-

wan poling ples, na bilong Hela na Jiwaka Provins i go pinis long Hagen hap aste.

I go moa long pes 2

EM TAIM BILONG KEMPEN

18 Me - 22 Jun

2

Wiks moa ...




GLOBE

....the perfect choice

VITAMIN ENRICHED

More Easy, More Tasty, More Healthy.

1 kg Rice

TELE Apdeit

Citifon EasiPay TopAp
Baim EasiPay wantaim Citifon bilong yu

Citifon nau i givim EasiPay TopAp Sevis wantaim Benk Saut Pasifik (BSP). Long yusim dispela nupela sevis, kisim wanpela Mobail Benking Ap-likesen fom long Telikom Bisnis Opis o BSP brens klostu long yu long rejista.

Taim yu rejistaim Citifon na BSP akaun bilong yu pinis, bihainim dispela 5-pela isi step long baim easipay bilong yu.

Bihain long yu pinisim step 1, plis bihainim step 2 - 5.

Step 1 – Mita bilong yu

Taipim “Top” larim wanpela spes, taipim “Easi” larim narapela spes na taipim “hamas yu laikim”.

(Olsem. Top Easi 10)

O

Step 1 – Mita bilong narapela

Taipim “Top” larim spes, taipim “Easi” larim narapela spes na taipim “Mita namba” larim narapela spes na taipim “hamas yu laikim”

(Olsem. Top Easi 98275 10)

Step 2

Salim teks mesej i go long 16288

Step 3

Mobail Benking bekim:

Olsem: BSP 955xxx Requesting K10 TopUp for “Nem bilong yu” EasiPay Meter #. Reply with E123456 if Ok.

Step 4

Bekim i go long 16288 wantaim TopAp koud long tok oraitim EasiPay TopAp.

Step 5

Mobail Benking Bekim:

Olsem: “BSP 123xxx TopUp successful – 654321. *Your K10 EasiPay Token is 22172512053000969 for 13.6 units.*

Tingim: Olgeta gutpela EasiPay TopAp i gat wanpela risit namba (Olsem.654321)



nius
Sir Michael: O'Neill noken brukim loa, daunim Palamen

...Pasifik, Komowelt bai lap long PNG...

Aja Alex Potabe i raitim

SIR MICHAEL SOMARE, husat Suprim Kot i tok em tru tru praim ministra bilong Papua Niugini, i singautim Peter O'Neill na ol memba bilong en long stopim dispela pipia pasin long mekim ol arapela Pasifik na Komowel kantri i lap long PNG.

Sir Michael i tok, “Mi singaut strong long ol memba, husat bai sanap gen long dispela ileksen long winim bek sia bilong ol, long go bek long wan-wan ilekistoret bilong ol na kempen. Ol i noken mekim palamen kamap samting bilong laf.

“Yupela i mekim nogut samting na soim pasin nogut insait long dispela 10-pela mun, we dispela pasin nogut i ken bagarapim nem bilong palamen ,na tu ol yangpela

lida long bihin taim i ken bihainim dispela pasin bilong yupela sapos yupela i no stretim.

“Yupela memba bilong brukim loa na daunim nem bilong Palamen wantaim pasin nogut bilong yupela. Yupela brukim planti loa tumas. Sapos yupela hat long bihianim loa bilong kantri na mekim ol samting nambaut nambaut long laik bilong yupela yet, orait yupella i no fit tumas long ronim dispela kantri wantaim kain pasin nogut bilong lidasip.

“Yupela i no soim gutpela na strepela pasin long bihainim ol loa na we bilong mekim samting stret. I kam inap long Ogas 2 las yia, yupela i wok long daunim pawa bilong kot na mekim yupela yet i stap antap moa long kot.

“Nogat wanpela hap insait

long Komonwelt save holim ol sif jastis na jas, olsem Belden Namah i bin tokim ol polis na ami long ron i go insait long kot haus na holim sif jastisia taim em i harim kot i stap.

“Dispela em i sem pasin stret long PNG.

“Em i namba wan samting long yupela i go bek long wan-wan ilektoret bilong yupela na askim ol pipel long givim pawa gen long yupela long kambek gen long Palamen bikos taim bilong yupela long bosim palamen em i pinis nau.

“Mi sinagut i go long ol pipel long noken makim kain ol lida olsem O'Neill na ol arapela memba bilong brkim loa, hsuat i stap wantaim ol long noken larim ol kambel long palamen bikos ol i no tru lida,” Sir Michael i tok.



GREN SIF...Sir Michael Somare em i kempen strong long Is na Wes Sepik long larim ol kendidet bilong en i win na rausim olgeta memba, husat i stap long sait bilong O'Neill na brukim planti loa tumas.

FM100

MAP COVERAGE

STATION	COUNTRY	PROVINCE
101	Vanuatu	Malakula
102	Vanuatu	Malakula
103	Vanuatu	Malakula
104	Vanuatu	Malakula
105	Vanuatu	Malakula
106	Vanuatu	Malakula
107	Vanuatu	Malakula
108	Vanuatu	Malakula
109	Vanuatu	Malakula
110	Vanuatu	Malakula
111	Vanuatu	Malakula
112	Vanuatu	Malakula
113	Vanuatu	Malakula
114	Vanuatu	Malakula
115	Vanuatu	Malakula
116	Vanuatu	Malakula
117	Vanuatu	Malakula
118	Vanuatu	Malakula
119	Vanuatu	Malakula
120	Vanuatu	Malakula
121	Vanuatu	Malakula
122	Vanuatu	Malakula
123	Vanuatu	Malakula
124	Vanuatu	Malakula
125	Vanuatu	Malakula
126	Vanuatu	Malakula
127	Vanuatu	Malakula
128	Vanuatu	Malakula
129	Vanuatu	Malakula
130	Vanuatu	Malakula
131	Vanuatu	Malakula
132	Vanuatu	Malakula
133	Vanuatu	Malakula
134	Vanuatu	Malakula
135	Vanuatu	Malakula
136	Vanuatu	Malakula
137	Vanuatu	Malakula
138	Vanuatu	Malakula
139	Vanuatu	Malakula
140	Vanuatu	Malakula
141	Vanuatu	Malakula
142	Vanuatu	Malakula
143	Vanuatu	Malakula
144	Vanuatu	Malakula
145	Vanuatu	Malakula
146	Vanuatu	Malakula
147	Vanuatu	Malakula
148	Vanuatu	Malakula
149	Vanuatu	Malakula
150	Vanuatu	Malakula
151	Vanuatu	Malakula
152	Vanuatu	Malakula
153	Vanuatu	Malakula
154	Vanuatu	Malakula
155	Vanuatu	Malakula
156	Vanuatu	Malakula
157	Vanuatu	Malakula
158	Vanuatu	Malakula
159	Vanuatu	Malakula
160	Vanuatu	Malakula
161	Vanuatu	Malakula
162	Vanuatu	Malakula
163	Vanuatu	Malakula
164	Vanuatu	Malakula
165	Vanuatu	Malakula
166	Vanuatu	Malakula
167	Vanuatu	Malakula
168	Vanuatu	Malakula
169	Vanuatu	Malakula
170	Vanuatu	Malakula
171	Vanuatu	Malakula
172	Vanuatu	Malakula
173	Vanuatu	Malakula
174	Vanuatu	Malakula
175	Vanuatu	Malakula
176	Vanuatu	Malakula
177	Vanuatu	Malakula
178	Vanuatu	Malakula
179	Vanuatu	Malakula
180	Vanuatu	Malakula
181	Vanuatu	Malakula
182	Vanuatu	Malakula
183	Vanuatu	Malakula
184	Vanuatu	Malakula
185	Vanuatu	Malakula
186	Vanuatu	Malakula
187	Vanuatu	Malakula
188	Vanuatu	Malakula
189	Vanuatu	Malakula
190	Vanuatu	Malakula
191	Vanuatu	Malakula
192	Vanuatu	Malakula
193	Vanuatu	Malakula
194	Vanuatu	Malakula
195	Vanuatu	Malakula
196	Vanuatu	Malakula
197	Vanuatu	Malakula
198	Vanuatu	Malakula
199	Vanuatu	Malakula
200	Vanuatu	Malakula

Be part of our Customers, Reaching 3.5 million Listeners daily

Rabaul Shipping pas

Kiki Kavana i raitim

MOA long 200 wok manmeri bilong Rabaul Shipping kampani i paul long wanem samting ol bai mekim bihain menesmen bilong kampani i pasim dua na bai no inap ranim bisnis moa.

Long Sarere moning las wik, Menesing Dairekta bilong Rabaul Shipping, Peter Sharp, i bin singautim olgeta wok manmeri long wanpela bung na insait long dispela , em i bin tokim ol olsem stat long Mande dispela wik, kampani bai i no nap ron moa olsem bisnis.

As long em i autim dispela toktok em bikos Mista Sharp tok em i nogat mani long peim ol wok manmeri long neks potnait bilong ol.

Insait long bung tu, Mista Sharp tok bai I nogat pinis pei bilong ol wok manmeri, na ol husat i laik risain i ken. Tasol i nogat mani long long baim entaitolmen bilong ol.

Dispela tokaut nau i lukim hetkwata bilong kampani long Rabaul i stap insait long tudak bilong wanem, ol manmeri i paul long toktok i kamap long dispela Sarere bung we Sharp i tok bai nogat pinispe, nogat entaitolmen na nogat plen long salim ol lain husat i no bilong Is Nu Britain i go bek long mama provins bilong ol.

Dispela nau em nupela sait bilong Rabaul Shipping stori we long Febueri 2 2012, sip bilong kampani, *MV Rabaul*

Kwin i lusim Rabaul na i kapsait klostu long Lae Morobe Provins.

Em i makim de we PNG i rekotim nambawan sip distasta bilong kantri we moa long 100 pipel i lus o dai long solwara, na moa long 200 pipel em ol pipel husat i stap laip.

Planti bilong ol pasinda long MV Rabaul Kwin em bin ol sumatin husat i laik go bek long statim 2012 skul yia.

Dispela nupela toksave we Mista Sharp mekim i kam bihain long namba tu hap long wok bilong pinisim ol manmeri long wok, bihain long ol narapela tupela opis bilong kampani i pas bihain long Febueri birua.

Toktok i kam long wok manmeri long Tunde em ol i kisim pei bilong ol leit long Fraide apinun long wik i go pinis taim menesmen i askim na painim mani long narapela hap long peim ol.

Ol wok manmeri em moa long 100 floating wok lain (lain husat i wok antap long tupela ten sip bilong Rabaul Shipping), wok manmeri bilong opis edministresen, ol lain husat i wok long Rabaul slip ways na tu, tripela man bilong narapela kantri.

Moa long 200 wok manmeri husat i nau stap wantaim nogat wok em ol lain husat i no bilong Is Nu Britain Provins. Na ol i no save wanem samting long mekim bikos i nogat mani long lusim Rabaul.

Ileksen samting i redi

i kam long pes 1

Zurenuoc, husat i Siaman bilong Inta-Dipatmental Komiti, i tok aste yet, ol ileksen samting bilong Westen Hailans, Simbu, Enga na Sauten Hailans Provins tu i go pinis na anu i stap long Hagen.

Dispela wik, ol ileksen samting bilong Manus, Isten Hailans, Wes Nu Briten, Nu Ailan, na Bogenvil bai go aut long wan-wan provinsal senta.

Zurenuoc i bin bungim Ilettoral Komisina Andrew Trawen na ol ami i kam long Australia na Nu Silan Difens Fos aste belo taim long Ea Transpot Skwadron (ATS) bes long 7 mail, Mosbi.

Moa long 250 Australia na Nu Silan ami i kam pinis long kantri long haliivm PNG Ilettoral Komisin karim ol ileksen samting olsem balot bokis, balot pepa, na ol arapela saplai na lojistiks i go aut long 4,000 poling ples insait long kantri.

Australia bai halivim wantaim tupela bikipela C-130 Hercules ami balus, tupela liklik biskrapt King Air ami balus, 4-pela Blekhok ami helikopta, na Nu Silan bai halivim wantaim 3-pela helikopta. Ol bai halivim wantaim sampela sip na liklik bot tu, tasol ol i no tokaut long namba.

Ol i toktok wantaim Zurenuoc na Trawen aste long olsem wanem ol i redi long karim ol balot bokis, balot pepa, ol maka, pepa, ink, na

ol arapela samting long yusim long ileksen taim.

“Mi laik tokim ol pipel bilong PNG na ol poroman bilong yumi long arapela kantri olsem mipela i redi pinis long ronim gutpela ileksen.

“Planti manmeri i wok long komplem long lojistiks na ol samting bilong yusim long ileksen taim, na mi ting bai mipela i nonap long karim i go long wan-wan poling ples long taim stret, tasol nau mi lukim olsem olgeta samting i redi pinis long go long olgeta provins.

“Dispela i soim olsem kantri i redi nau long kamapim gutpela ileksen long Jun 23. I no olsem bipo,” Zurenuoc i tok.

Em i tok Australia na Nu Silan i halivim PNGEC long karim ol lojistiks i go kam long wan-wan poling ples, na em i makim maus bilong gavman long tok tenkyu long ol ami bilong tupela kantri wantaim.

“Nau em i taim bilong ol wan-wan provinsal administresen long sekim na stretim dispela olgeta ileksen samting long go long wan-wan poling ples,” Zurenuoc i tok.

Em i tok moa long 1700 poling ples i nogat rot na Asutralia na Nu Silan bai halivim PNGEC wantaim ol balus na helikopta long kisim ol samting i go long hap.

Em i tok olgeta namba wan samting olsem balot pepa bai go aut neks wik bihain long moa long 19 000 balot bokis i go aut long wan-wan poling ples.

Polis holim na sasim Yakasa

POLIS i holim na sasim Sif Suprintendant Fred Yakasa long em i bin pasim o stopim politikel rait bilong Praim Minista Peter O' Neill na ol kebinet minista bilong en long Desemba 12 na 13 las yia.

Ekting Deputi Polis Komisina na Sif ov Opere-sens, Simon Kauba, i tok polis i bihainim opisal komplem i kam long Praim Minista Peter O'Neill na holim Yakasa hap aste taim em i kamaut long Waigani Kot Haus.

Polis i tok taim politikel hevi namel long Peter O'Neill na Sir Michael Somare i bin kamap bikpela stret, Yakasa na sampela polisman i bin blokim rot long go insait long Gavman Haus long Kone, Mosbi, long Disember 12 na 13 las yia long stopim o pasim O'Neil na ol gavman minista bilong en, husat i bin laik go kisim luksave long Gavana Jeneral.

Taim ol i mekim dispela pasin, Yakasa na ol polis-man bilong en i bin brukim Seksen 79 (1) bilong PNG Krimial Kod (Criminal Code) Act Sapta 262.

Kauba i tok Yakasa i bin pretim O'Neill na ol minista bilong en, na supim nus i go insait long fri politikel rait bilong O'Neil na ol memba taim ol i bin bihainim rait bilong ol long lukim Gavana Jeneral, Sir Michael Ogio.

Polis i bin kisim Fred Yeis Yakasa, 47-pela kris-mas, bilong Watumanda viles long Wabag, Enga Provins, i go long Polis Hetkwata na toktok wantaim em bipo long ol i sasim em. Bihain ol i kisim em i go long Boroko Polis Stesen na em i kamaut long on rekognisans (OR).


Kauba i tok dispela keis em i gat planti ol arapela politikel samting tu i stap, na polis bai mekim gut ol wok painimaut bipo ol i holim gen Yakasa.



Yakasa i sanap long Kot aste.

USE YOUR KUNDUCARD

For more chances to win
ONE MILLION KINA



www.bsp.com.pg





2012 Ilekse Nius



Votim ol meri na kantri bai lukim senis

Veronica Hatutasi i raitim

“GIVIM vot bilong yu long ol meri kendidet na bai yu lukim senis”, em toktok we Presiden bilong Nesenel Kaunsel bilong ol Meri (NCW), Scholar Kakas, i tok.

Mis Kakas i tok olsem long taim bilong lonsim “Know Your Women Candidate 2012: Vote Woman” O Save long Meri Kendidet bilong Yu 2012: Votim Meri kempen long las wik Fraide long Mosbi.

NCW na UN Women i wok patna wantaim long sapotim ol meri kendidet husat i resis long nau nesenel ileksen i wok long ron nau.

Dispela em i nambawan

kain kempen olsem we i singaut long ol man na meri wantaim i mas stap insait long Palamen long mekim ol bikpela disisen bilong kantri.

Na as tingting long kamapim dispela kain kempen em long putim stori bilong ol meri kendidet long midia we ol stori long ol gutpela samting ol i mekim na ol salens ol i bungim bai kamap.

NCW nau i askim ol meri kendidet long kam aut na go insait long dispela kempen.

“Longpela taim yumi ol meri stap long baksait, tasol em i taim nau yumi long moa meri i sanap na kamapim senis long Palamen,” NCW Presiden, Mis Kakas i tok.

Mis Kakas i tok i gat sam-pela gutpela meri lida husat i gat kwalifikesen na ekspiriens, na ol i ken kamapim senis sapos ol i win na go insait long Palamen.

“Em i taim nau long PNG i givim sans i go long ol meri. Mi strongim yupela ol man na meri long tingting gut long dispela ileksen na givim vot long ol meri bilong yumi.

“Namel long ol kain politkel hevi yumi bungim long dispela taim, PNG i laikim gutpela senis. Na taim moa meri i go insait long Palamen, yumi ken lukim gutpela senis i kamap,” Mis Kakas i tok.



PROMOTIM OL MERI KENDIDET: Ol patna grup olsem NCW na UN Women i sanap wantaim na lonsim “Know your Women Candidate 2012” kempen long Mosbi las wik Fonde. *Poto: Andrew Molen*

Kamburi laik soim gutpela lidasip, daunim korapsen

Aja Alex Potabe i raitim

WANPELA man husat i save gut tru long wok bilong lida na pasin korapsen bai sanap long Oro Rijenai sia.

Roderick Kamburi i save gut tru long gutpela pasin bilong lidasip, na nogut pasin bilong korapsen, na em i gat strongpela bilip stret long senisim Oro Provins taim em i winim gavana sia.

Dispela man em i save gut tru long tupela namba wan samting. Em i gutpela lidasip na pasin korapsen.


Gutpela lidasip i save soim gutpela na stretpela rot long ol pipel long bihainim na kirapim ples, we olgeta manmeri bai amamas na wanbel wantaim.

Na gutpela lidasip i save daunim pasin korapsen. Tasol sapos yu no save wanem samting em i pasin korapsen, yu bai nonap save long rausim tu.

Kamburi, husat bai ron aninit long PNG Labour Party, i save gut tru long dispela tupela namba wan samting bikos em i bin wok moa long 20 yia wantaim Ombudsman Komisin, we em i bin bosim Lidasip seksen bilong komisin.

“Mi save gut tru long wok na pasin bilong gutpela lidasip bikos mi bin wok 21-pela yia olgeta wantaim Ombudsman Komisin (OC). Mi bin stap dairekta bilong Lidasip. Mi bin mekim ol wok painimaut i go insait long olsem wanem ol lida i save yusim mani bilong pipel na sekim tu sapos ol i brukim Lidasip Kod (Leadership Code) o nogat,” Kamburi i tok.

Kamburi em i putim olgeta manmeri Oro insait long lewa bilong. Em i tok



putim em long mak we em i gat moa koneksen na save pes long mekim lida wok isi long em long sevim pipel bilong Oro gut tru stret.

“Mi bin raun planti wantaim ol lida o memba. Mi save long wanem kain pasin na sistem ol i save mekim. Wo bilong mi bipo em long

raun wantaim ol lida na sekim ol asua bilong ol. Mi save mekim ol wok panimaut na sasim ol lida i go long opis bilong Pablik Prosekyuta,” em i tok.

Oro em i wanpela gutpela na naispela ples, we moa turis inap long kam insait, moa bisnis inap long kamap, na gutpela gavman sevis insap long stap. Em i tok ol lida bilong Oro yet i wok long paulim mani bilong Oro Restore-sen Atoriti na ol manmeri, husat i bin painim birua taim Saiklon Guba (Cyclone Guba) i kamap long yia 2007 i nau stap turangu yet long ol kea senta.

“Tasol nogat wanpela nupela samting i kamap. Provins i no muv. Em i wok long go bagarap yet. Olsem na mi sanap long mekim wok wantaim pipel long provins na stap long hap, i no long kisim pawa tasol na kam hait long Mosbi.

“Planti ol memba i save tokim pipel long kain kain samting ol i laik mekim taim ol i win. Tasol ol i no save long sistem bilong Waigani. Winim ileksen em i wanpela hatwok. Nara-pela hatwok em long daunim sistem bilong Waigani na mekim samting stret,” Kamburi i tok.

Em i tok em i save gut tru long pasin na sistem bilong Waigani, we dispela i

Memba bilong Kerema dai

LIDA bilong THE Pati na Tresera, Don Polye, i tok sori long dai bilong Memba bilong Kerema, Pitom Bombom.

Taim 3-pela wik tasol i stap bipo long kantri bai go insait long ileksen, Bombom i dai long sik bren tuma las wik Trinde nait long Pot Mosbi Jeneral Haus Sik.

Bombom i mekim nominesen bilong en pinis long ples bilong en yet long Kaintiba, na taim em i laik go mekim kempen, em i lusim laip bilong en.

Polye i tok sori long famili Bombom na pipel bilong en long Kerema taim em i go long haus krai hap aste.

“Leit Pitom em i no yangpela lida tasol; em i brata bilong mi stret. Em i save stap isi tasol em i lida bilong mekim wok. Em i save laikim pipel bilong en na em i bin kamapim planti projek insait long ilektorat bilong en,” Polye i tok.

Taim bilong senis nau

Veronica Hatutasi i raitim

“EM i taim bilong senis na taim em nau”, meri i makim ol UN Meri, Julie Bukikun, i tok.

Mis Bukikun i tok “Know Your Wimen Candidate 2012”, NCW na ol UN Meri i laik helpim ol wan wan meri kendidet long givim ol pes long dispela resis we i stap long longpela taim nau, na ol man tasol i stap insait long en.

“Yes, em i taim nau long senis, na nau em i taim bilong wokim sampela eksen,” Mis Bukikun i tok.

Em i tok loa bilong risev sia bilong ol meri i stap yet, tasol ol i mas lukluk yet long en.

“Senis ol bin wokim long Mama Loa bilong kamapim ilektoret bilong ol meri em i loa pinis, na gavman i mas mekim samting long luksave long rait bilong ol meri long PNG. Gavman i gat wok long long luksave long dispela loa,” Mis Bukikun i tok.

Bikpela visen bilong ol UN Wimen em ol man na meri i mas gat wankain luksave na wok olsem ol patna, olsem i stap long Sata bilong UN.

O'Neill tok strongim fri edukesen long Kokopo

Michael Novingu i raitim

“FRI edukesen polisi long gavman bilong mi bai stap yet taim mipela i fomim nupela gavman bihain long 2012 nesenel ileksen. Kantri bilong yumi gat planti gutpela samting, tasol yumi stap turangu yet.”

Dispela em ol toktok keteka Paim Minista Peter O'Neill i mekim long Malapau ples long Kokopo las wik Fraide long lonsim kempen bilong tripela kendidet bilong em bai resis long tripela sia long Is Nu Briten Provins.

Tripela kendidet bilong em aninit long PNG Nesinel Kongres Pati em;

1. Ereman Tobaining Jnr (Kokopo Open);
2. Nobert Kubak (Gasel Open); na
3. Isaac Minicus (ENB Rijinel).

Mista O'Neill i tokim samt-



Paim Minista O'Neill

ing olsem 2,000 manmeri olsem fri edukesen polisi bi-

long gavman bilong em bai stap yet, taim em i fomim gavman bihain long 2012 ileksen.

Em i tok mani mak olsem K4 milian we gavman bilong em i peim skul fi bilong ol samatin long ol skul pinis long kantri. Mo yet em i tok hap mani bilong skul fi stap yet bai mi pinisim sampela taim long dispela mun.

Mista O'Neill i tok tu olsem Nesenel Alaiens i stap long Gavman; 9-pela kris-mas, ol i no mekim wanpela samting long sevis i go long ol manmeri long dispela kantri.

“Mi raun long 89 distrik bilong dispela kantri, mi lukim rot, bris, skul, haus sik na ol arapela samting i bagarap pinis we Nesenel Alaiens Gavman i no stretim,” O'Neill i tok.

“Mi no inap mekim kain pasin nogut ol mekim. Gavman bilong mi bai wok hat long kisim sevis i go long ol manmeri bilong Papua Niugini.

O'Neill i askim ol pipel bilong Is Nu Briten long votim tripela kendidet bilong em bai em i ken kamap paim minista long wokbung wantaim pipel bilong Is Nu Briten long kisim sevis i go long ol.

Long wankain taim, O'Neill i givim K260, 000 i kam long Nesenel Geming Bod i go long M. Jovi Ltd long stretim ol projek i stap long Kokopo distrik.



2012 Ilekse Nius



Ol nogut lida save yusim mani long baim vot

Aja Alex Potabe i raitim

TAIM ol lida i yusim bikipela mani long ileksen taim, dispela kain pasin i save kamapim as bilong olgeta pasin korapsen, bipo praim minista Paia Wingti i tok.

Wingti, husat bai sanap long Westen Hailans Rijenal, i tok kantri i bagarap taim pasin bilong yusim mani long ileksen i kamap.

Wingti, husat i bin kamapim Pipol's Demokratik Muvmen (PDM) Pati long yia 1985 na nau em i pati lida, i mekim dispela toktok taim em na Nu Ailan Gavana Sir Julius Chan i witnesim kempen rali bilong Miria Ikupu las wik Sarere long Sir

Hubert Murray Stadium, Mosbi.

Ikupu em i siaman bilong Motu-Koitabu Asemblbli, na em bai sanap aninit long PDM Pati long ron long Mosbi Not Wes.

"Taim bilong mitupela Sir Julius, mipela i no save yusim mani long politiks. Mi no bin baim 1-pela vot long 1 toea. Nogat na nogat stret.

"Tasol nau ol lida husat i sanap long ileksen na yusim bikipela mani, i kamapim pasin korapsen. Na yupela ting dispela mani i kam long we?

"Sampela ol i kamap milinia pinis long 1-pela nait tasol. Taim mani save kam insait long politiks, em i as bilong olgeta pasin korapsen

bikos mani save bagarapim ol lida man bilong kantri, husat inap long mekim ol gutpela samting long karim sevis i go daun long ol liklik manmeri," Wingti i tok.

Em i tok PNG i nau gat gutpela na bikipela sans long groa na kamap olsem ol arapela kantri bikos yumi gat planti maining na petroleum projek i kamap.

"Mani i kam long PNG LNG Projek em i bikipela tru. Na hamaspela maining projek yumi gat long kantri? Kain kantri olsem Singapore na Australia i nogat dispela kain risos. Tasol ol i bin gat gutpela lidasip.

"Wanpela taim Singapore i bin

stap olsem Hanuabada. Em i bin stap olsem Tatana. Tasol nau em i stap olsem Amerika.

"Dispela olgeta gutpela senis i save kamap wantaim gutpela lida tasol. Sapos lida em i nogut o korapt, orait dipatmen sekretari, lain ejensi, na olegta wok manmeri tu bai kamap korapt.

"Dispela pasin em save daunim gutpela sindaun bilong pipel. Dispela i save brukim bel isi pasin namel long ol lida na pipel. Dispela pasim nogut i nau wok long bagarapim dispela bitiful kantri bilong yumi," Wingti i tok.

Em i tokim ol pipel long votim ol PDM kendidet bikos dispela pati em i 'papa bilong fri edukesen.'

Sir Julius na Wingti bai kempen wantaim long dispela ileksen. Sir Julius em i lida bilong Pipel's Progress Pati (PPP). Tupela bai sapotim ol kendidet bilong tupela wantaim long dispela ileksen na soim ol 'liklik mangi long pilai tru gem bilong ol bikipela man.'

"Wanem samting mitupela i mekim, pipel bai go pas bikos pawa i stap wantaim yupela. Mipela i stap nating long makim maus bilong yupela," Wingti i tok.

Sir Michael sapotim ol kendidet husat bai bihainim Mama Loa

GREN SIF Sir Michael Somare i pinisim dispela wik wantaim ol politikel rali em i bin holim ol ol wan-wan hap bilong Wewak Ilektoet

Sir Michael i tok, "Mi inap long kempen long ol kendidet bilong pati bilong mi tasol, na lukluk go het long lusim politiks, tasol ol samting i kamap long Ogas 2 las yia i mekim na mi mi sanap gen long winim bek Is Sipik Rijinel sia bilong mi. As bilong mi long sanap gen em long stretim ol nogut samting ol arapela sait i bin mekim long Ogas 2 las yia.

"Tim bilong mi i bin westim bikipela taim na yusim moa mani long pait bilong bikipela bilong kantri. Pasin bilong brukim Mama Loa na mekim ol samting nating nating i mas stop. Sapos yumi larim ol long long polisman long mekim loa long laik bilong ol yet, kantri bai bungim bikipela hevi. "Olsem na noken larim ol man bilong brukim loa i kam bek long palamen. o;l bai bagarapim dispela gutpela kantri bilong yumi."

Sir Michael i tokim ol manmeri bilong Wewak long ol pasin nogut O'Neill na Namah i mekim long brukim loa bilong kantri.

Sir Michael i sapotim ol kendidet husat i go agensim ol memba bilong palamen husat i no save bihainim loa na pasin bilong demokrasi.

Em i tokaut long ol kendidet bilong Nesenel Alaiens (NA) Pati bilong en, husat bai ron long Is Sepik: Wewak sia – Jim Simatap, Yangoru – Peter Wararu, Maprik – John Simon, Ambunti Drekkir – Tony Aimo, Wosera Gawi – Paul Malken, na Angoram – Arthur Somare.

Sir Michael i tokim ol pipel long hap tu olsem ol politikel pati hsaut i wok wantaim NA em ol People's United Assembly, Pangu Pati, Melanesian Alliance, People's Party na National Party.

Dispela wik, Sir Michael bai go long Lae long sapotim ol NA kendidet long Morobe: Lae - Benson

Makim lida olsem ofa i go long God

Yakam Kelo i raitim

YUMI mas makim lida bilong yumi olsem ofa i go long God. Dispela em toktok bilong Lutheran Pastor, Guenu Gundu bilong Lutheran Mari-mari Kongrigesen long Mosbi long las wik Sande.

Pasto Gundu i tok dispela eleksen nau em taim bilong yumi ol Kristen long makim lida olsem ofa i go long God. Noken makim ofa nogut we i gat sik, sua o doti long skin bilong em.

Long bipo, ol Isrel save givim ofa long God wantaim yangpela pikinini meme we ol save lukautim em gut na i noken gat sua, sik, doti o kainkain samting i pas long skin bilong dispela meme. Em mas klin na naispela meme bikos em bai ofa bilong God.

Pasto Gundu i tok wankain tu,

yumi mas makim ol lida bilong yumi long dispela eleksen olsem ofa bilong yumi go long God. Bai dispela ofa i go long God long tok tenkyu long olgeta gutpela blessing na ol samting God save givim yumi olgeta de. Na God ken kisim dispela gutpela ofa bilong yumi na blesim yumi moa yet.

Pasto Gundu i tok taim yumi givim dispela ofa go long God, God bai kisim biknem na bai yusim dispela lida long mekim planti gutpela samting bilong sevim yumi na helpim yumi bikos dispela i no lida nating. Em ofa bilong yumi ol Kristen go long God.

Pasto Gundu i tok yumi save pinis long wanem kain lida yumi laik makim. Tasol yumi mas glasim gut em long ol kainkain liklik sik nogut, sua na doti em gat. Sapos lida bin gat kain asua olsem pinis,

noken makim bikos dispela sua na doti bilong em bai go bikipela moa taim em kamap lida na i no inap sevim yumi bihainim laik bilong God.

God i save makim lida bilong go pas long pipel na sevim ol. Na sapos lida gat dispela kain sua na sik pinis long laip bilong em, yumi no ken makim em. Ol kain lida olsem bai grisim yumi long kaikai, bia, mani, bisnis na ol kago, tasol dispela sik na sua em gat pinis bai kisim em go longwe olgeta yumi taim em kamap lida, Pasto Gundu i tok.

Long givim wanpela gutpela na naispela ofa go bek long God em yumi no save tingim long mekim. Olsem na dispela nesenel ileksen em sans tru bilong yumi mekim dispela. Dispela ofa em bilong wanpela taim tasol nau inap 5-pela

krismas bihain taim nupela eleksen i kamap gen.

Pasto Gundu i tok long makim lida bilong yumi long eleksen em nogat man bai pusim yu o yu no inap kisim pei long en. Em samting we i stap long han bilong yumi wanwan long mekim olsem na noken tubel long dispela. Makim stret lida we i klin na givim em olsem ofa bilong yu go bek long God na God i ken kisim biknem na bai blesim yu moa yet long taim bilong em yet.

Em i askim ol Kristen tu long noken mekim nois nabaut na kempen raun long taim bilong Sande. Sande em dei bilong lotuim God Papa olsem na ol nois bilong eleksen em yumi mas lusim go long ol arapela de.

Ol yut mas lukautim siti

BISNIS man na kendidet bilong NCD rijenal sia, Wari Vele i laik bai ol manmeri mas go pas long lukautim na ronim Mosbi siti sapos em i winim ileksen.

Bikipela samting em i laik mekim em long opim wanpela program we olgeta yut i ken wok insait long en long klinim na lukautim siti.

Mista Vele mekim dispela ol tok-tok taim em i kamap long wanpela bung bilong ol yut grup long Apex pak long Boroko dispela wik.

"Dispela program em bilong yupela, em i no bilong sampela tasol long kaikai mani na kamap bikmanmeri taim ol arapela i sindaun nating na lukluk i stap.

"Mi bai K20 milien bilong ol yut, ol mama na ol sios, em bai nogat namel man, mi yet bai mi skelim gut long olgeta komyuniti long NCD long amamas," em i tok.

Mista Vele i tok tu olsem em bai putim K10m long kamapim wanpela opis bilong lukluk long helpim ol yut, mama na ol sios grup.

Em i tok tu olsem NCDC i putim mak "Limited" or (LTD) sait long



PROMIS: Mista Vele i toktok long ol yut long Apex Pak.

nem bilong ol we i mekim em i kamap olsem wanpela praiwet kampani.

"Dispela i min olsem em i wan-

pela kampani nau, na ol bai wok long laik bilong husat? mista Vele i tok.

Lida bilong ol Wod 5 Yut (Works

kompaun- 4 Mail), Stanley Tony, i tok namba bilong ol yangpela manmeri husat i nogat wok, i go bikipela moa nau na i hat moa.

"I gat wanwan tasol i wok long kisim ol gutpela samting i kamap long ol yut projek insait long siti, mi sapotim Wari Vele long kisim senis i kam long helpim yumi olgeta," em i tok.

Mista Tony, husat i wanpela praimer skul tisa tu, i tok tu olsem planti moa samting i wok long kamap insait long siti tasol i nogat inap wok i kamap long lukautim olgeta yet.

"NCDC mas kisim ol yut long ol wok olgeta hap long siti," em i tok.

Em i tok ol bikhet pasin we i save kamap long ol wokman bilong NCDC long ol mama husat i save salim kaikai na ol samting sait long rot, i mas stop.

"Mekim wanpela gutpela ples bai ol i ken go na salim ol kaikai blong ol.

"Yu stopim ol mama, em tasol bai kirapim bagarap pasin," Mista Tony i tok.



2012 Ilekse Nius



Tripela meri salensim Se Arnold Amet

MADANG provins i mekim liklik histori long lukim ol meri i sanap resis long olgeta ilektoret long provins, tasol wanpela tasol Midel-Ramu i nogat meri resis.

Long Madang rijenal sia, resis long 2012 jeneral ileksen i lukim tripela meri i sanap long salensim pastaim atoni jeneral insait long gavman bilong Se Michael Somare, em Se Arnold Amet.

Ol dispela tripela kandidate meri husat bai resis agensim Se Arnold, em presiden bilong Madang Kaunsil ov Wimen, Mary Kamang, Balim Pokpok Sumanop na Regina Sophie Kambe.

Balim Pokpok em susa bilong pastaim jeneral bilong PNG Difens Fos, Brigidia Jeneral (ritaria) Jerry Singirok.

Misis Kamang em i no nupela meri long resis long jeneral ileksen. Em i bin resis stat long 1997 long Madang open sia, na bihain long 2007 na long dispela resis em i kamap namba foa.

Misis Kamang i resis aninit long pati bilong palamen makim praim minista Peter O'Neill em Pipols Nesenel Kongres (PNC). Nominesen bilong Misis



SANAP: Wanpela meri husat i resis long Madang Open em, Lucy Kiki Buck, husat i save pes long samapim klos na promotim dispela tekstail indastri, i soim ol komyuniti long Kranget Ailan wok em i wokim.

Kamang long las wik Sarere antap Me 19 i no lukim bikipela selebresen o nois tumas. Man bilong em Paul, wantaim liklik lain sapota tasol i bin bringim em i go rejista long nominesen bilong em.

Misis Kamang wantaim arapela tupela meri kandidate bai bungim bikipela salens tru i kam

long ol kandidate olsem Se Arnold yet, bipo gavana Jim Kas, na pastaim primia bilong Madang, Andrew Ariako, husat nau i resis long Madang rijenal sia.

Long taim bilong nominesen i pas, Madang Open i rekodim bikipela namba bilong kandidate em 47 na bihainim em Usino-Bundi wantaim 41 kandidate.

Bogia Open i gat 37 kandidate we bai lukim siting memba John Hickey bilong Nesenel Alaiens Pati i salens wantaim sampela biknem save lain bilong distrik olsem Dokta Freddy Kambual, Dokta Sebastian Bagri, Steven Asivo na ol arapela.

Resis bilong Madang Open i lukim siting memba, Buka Malai bai bungim bikipela salens tru i kam long ol kandidate olsem tupela wantok long eria bilong em yet em presiden bilong Trans-Gogol LLG, Morris Ban wantaim foma polis komanda,

Jim Namora. Narapela biknem kandidate husat bai resis gen em foma MP, Alois King Kingley Golu

Wanpela meri husat resis long Madang Open em Lucy Kiki Buck, husat i save pas long samapim klos na promotim dispela tekstail indastri.

Ilekse long Usino-Bundi Open, we bikipela ol risos proyek long Madang provins olsem Ramu nikel na kobalt main na Yandera gold na Ramu Agri Indastri i stap long en bai strong tru. Resis long dispela ilektoret bai lukim siting MP, Samson Kuli i salens wantaim ol biknem lain olsem bisnisman Peter Yama, Anton Yagama na ol arapela lain kandidate.

Sumkar Open, we i karamapim Sumgilbar LLG long not kos na Karkar ailan bai lukim 37 kandidate olgeta i sanap resis. Siting MP, Ken Fairweather bai sanap strong long banisim sia bilong em bikos em i gat planti hanmak pinis.

Resis bilong Midel Ramu tasol i no lukim wanpela meri i sanap resis long 2012 nesenel ileksen. Tasol bai i gat bikipela salens tru i stap namel long MP Ben Semri na narapela strongpela lida, em Tommy Tomscoll.

Long Raikos Open sia we nau gavana James Gau i holim bai i lukim 24-pela kandidate i resis. Mista Gau i sanap aninit long Traiamp Herites Empawamen (THE pati) we em deputi lida long tresera Don Polye.

ENB singaut long atonomi

Michael Novingu i raitim

ASKIM i go long Keteka Praim Minista Peter O'Neill long luksave long pipel bilong Is Nu Briten na givim ol atonomi bai ol i ken lukautim ol yet.

Bipo premia bilong Is Nu Briten, Ereman Tobaining i tromoi dispela askim long Mista O'Neill long Malapau ples long Kokopo, las wik Fraide.

Mista Tobaining i tok, em i wok hat long kamapim Is Nu Briten taim em i stap

olsem premia na rijinal memba.

"Mi, wantaim helpim bilong Damien Kareku, Leit Oscar Tamur, Leit Alois Koki na arapela lidaman long wokim kamapim dispela provins we yu gen lukim tude i stap.

"Pipel bilong Is NiuBritten i laik Atonomi Gavman long lukautim ol yet long sait bilong politikel, wok Bisnis na spiritual sait tu,"Tobaining i tok.

Em i salensim Praim Minista long yusim save God i givim em long ronim

gavman na kisim sevis i kam long pipel bilong Is NiuBritten.

Moyet em i tok, em givim pikinini bilong em Ereman Tobaining Junia long wok wantaim long luksave long ENB na givim Atonomi long provins.

Tobaining i tok, "mipela long ENB i les pinis long ol lidaman long provins bikos ol i mekim pasin nogut i no tingting long ol pipel long kisim sevis i kam long mipela."

Bipo hetmasta bilong Bumayong Lutheran Sekenderi sanap long Nawaeb

Paulus Tali i raitim

WANPELA kandidate bilong Nawaeb Open, em i bipo hetmasta bilong Bumayong Sekenderi, Gisiwin Siniwin. Em i tingting long salensim siting memba, Timothy Bonga.

Mista Siniwin em i wanpela long taim tisa, we em i bin wok tupela krismas long klasrum olsem tisa, na 20 yia, em i wok olsem hetmasta bilong planti ol skul insait long Morobe provins.

Long wokabaut bilong em olsem Tisa, planti ol sumatin i lukim olsem em man i gat tru tru bel long stretim hevi insait long Nawaeb, we em i sindaun.

"Mi amamas long sanap bihainim sapot i kam long ol pipel bilong mi long Kasip na Gaieng, insait long Nawaeb, na tu, ol arapela lain long Erap na Nabak, we ol i luksave long hevi long ilektoret, na laikim senis. Long dispela as, na mi sanap long karim hevi, na krai bilong ol pipel. Olsem tasol na mi sanap," Gisiwin i tok.

"Long wok tisa bilong mi long 1983 i go 1991, mi tis long Nu Ailan, inap tenpela yia, Makam Veli Hai Skul



HETMASTA SANAP: Bipo hetmasta, nau i traim politiks, Gisiwin Siniwin.

long Morobe long 1991 i go 1992, na De La Salle Hai Skul long Mosbi, long 1996 na 1997 i kam inap long 2011. Bihain long en, mi kam bek long provins bilong mi na kamap Prinsipal Songan, bilong skul mi stap wok olsem hetmasta inap 16-pela krismas.

Em i tok olsem em i raun long kain kain skul na ples, na mekim wok administresen, na nau, em i laik yusim

dispela save long halivim ol pipel long ilektoret bilong em.

"Mi nau sanap long makim pipel bilong mi long Kasip, na Gaeng, na Nawaeb, olgeta long bringim gutpela sevis kam daun long liklik manmeri.

Mista Siniwin i ron aninit long pati bilong keteka praim minista, Peter O'Neill, em Pipels Nesenel Kongres (PNC).

ABG bai givim tok orait pastaim

Veronica Hatutasi i raitim

TOK ORAIT i mas kam long Otonomes Bogenvil Gavman (ABG) pastaim ol ami balus i go long Bogenvil long helpim wantaim ol wok bilong 2012 nesenel ileksen, Wantok i kisim ripot i kam long Buka olsem.

Tasol pastaim long tok orait i kamap, Ilektoel Komisina i mas salim wanpela rikwes o askim pas i go

long AGB Presiden, John Momis.

Long dispela taim, Ilektoel Komisina i laik salim ol saplai samting bilong yusim long wok bilong 2012 nesenel ileksen i go aut long olgeta provins long kantri, na em bai yusim ol ami balus ba ol helikopta long mekim wok bilong karim ol samting i go long ol wan wan provins.

Australia i givim helpim i kam long PNG Ilektoel

Komisina wantaim 8-pela ami balus long karimaut wok bilong ileksen inap ol wok i pinis. Foapela bilong ol em ol Blekhok ami balus, tupela hekules ami helikopta na tupela RAAF balus.

Nu Silan i helpim wantaim tripela ami helikopta.

Ripot i tok em i stap aninit long Bogenvil Pis Agrimen olsem PNG i noken mas salim ol ami balus i go long Bogenvil moa.



Scholar Kakas



Dame Carol Kidu

Tenkyu Dame Carol

Veronica Hatutasi i raitim

BIKPELA tok tenkyu i go long wanpela meri tasol long Palamen na sempion, na tu, Mosbi Sautwes MP Dame Carol Kidu, husat i malolo long wok politiks nau na em i no inap sanap long 2012 nesenel ileksen.

Presiden bilong Nesenel Kaunsel ov Wimen (NCW), Scholar Kakas i makim ol

meri long NCW na tok Dame Carol em i wanpela sempion, rol modol o gutpela piksa long planti gutpela samting em bin mekim taim em bin stap olsem wanpela Palamen memba long las 10-pela yia.

"Em (Dame Carol) i kamapim bikpela senis long dispela kantri na i no long ol meri tasol, nogat. Long ol yangpela, ol lapun, ol disebol o lain i gat sampela bagarap long bodi bilong ol na olgeta

narapela lain i kam anin it long lidasip bilong em," Mis Kakas i tok.

"Yu bin mama, lida na olgeta samting na bikpela tok tenkyu i go long yu long olgeta samting yu bin wokim long mipela long Mosni Saut na PNG," Mis Kakas i tok.

Mis Kakas i tok long 2007 nesenel ileksen, 101 meri i bin sanap long resis olsem ol kendidet na Dame Carol tasol i bin win.

Em i autim tu tok amamas i go long strongpela meri sapota na Mosbi notwes Palamen memba, Se Mekere Morauta, husat i malolo long wok politiks nau.

Mis Kakas i tok Se Mekere em i gutpela ikonomis na fainensel menesa PNG i lukim.

"NCW i makim ol meri long kantri na apim lidasip bilong Dame Carol na Se Mekere," Mis Kakas i tok.

I have the Power to choose a good leader!



Your poor decisions in voting, will affect your future



Caritas
Papua New Guinea



PNG Electoral Support Program



REDI LONG ILEKSEN WOKSOP: Sampela ol meri kendidet i sindaun long wanpela woksop long Mosbi na harim ol spika i toktok. *Poto: Nicky Bernard*

Tok amamas long ol meri i resis long 2012 ileksen

Veronica Hatutasi i raitim

OL MERI i sanap long 2012 nesenel ileksen em ol strongpela meri na bikpela tok amamas i go long ol long putim han bilong ol i go antap na sanap long resis wantaim ol man, Presiden bilong Nesenel Kaunsel ov Wimen (NCW), Scholar Kakas i makim ol lain long NCW na tok.

Long dispela yia, 136 meri i sanap long resis na dispela i 35 meri moa winim ol lain i bin sanap long 2007 nesenel ileksen.

"Long yupela i sanap long resis em i bikpela samting bai kamapim senis na ol wok go het long kantri, na bikpela tok amamas bilong mipela i go long yupela ol meri," Mis Kakas i tok.

Em i tok Dame Carol i lusim bikpela na gutpela hanmak na piksa long ol dispela meri bilong bihainim. Na daunim pasin we ol man tasol i stap long

haus Palamen long PNG.

Long wankain taim, Mis Kakas i tok amamas long ol politikel pati i kisim ol meri kendidet i go insait long ol pati bilong ol, o sapotim ol meri kendidet.

Mis Kakas i tok dispela em i gutpela sainmak long "jenda ikawaliti" o man na meri i sanap long wankain level. Tu, em i tok dispela i soim olsem ol pati i gat bilip long ol meri.

"Samting i stap nau long han bilong pipel long givim vot long husat ol i laikim," Mis Kakas i tok.

Em i salensim ol man-meri long dispela kantri long tingting gut na givim vot long gutpela bilong ol pipel na kantri.

Mis Kakas i tok ol i wetim fainol lista bilong ol meri kendidet i kam long lilektorel Komisnin.

Tasol em i tok olgeta meri husat i laikim bai OL UN Meri na NCW i kisim ol "profile" o stori bilong ol i ken ringim "Know Your Wimen Candidate 2012" long telepon namba 3219855, 3289852 o mobail namba, 71173262.



**Yut, Meri na
Famili
wantaim
Lorraine
Siraba**

Lukaut long ol promis nating bilong ileksen taim

TAIM bilong kempen i stat pinis na yumi gat moa long 3,000 kendidet i sanap resis long go insait long Haus Palamen. i gat planti kendidet i sanap i kam long ol wan wan bekgraun na ol kain kain as tingting bilong ol long sanap na kamap politisen. Kwaliti bilong ol lida yumi gat long Palamen bai kam bek long yumi ol vota na husat yumi votim long ol wik i kam.

Long dispela kempein taim, yumi mas lukaut gut long ol mauswara lain husat i laik kisim vot na ol bai wokim ol maus wara promis nating na bihain, ol bai no inapim. Wampela long ol dispela promis i no save karim kaikai em ol kendidet i sanap long ileksen i wokim long ol kempein toktok bilong ol em, kisim wara saplai i go long ol setelmen. Yumi olgeta i save olsem ol setelmen lain i sindaun long graun bilong stet na ol kastomeri papagraun na dispela i no stret. Em i brukim loa. Na bai yu kisim wara saplai i go long ol lain i brukim loa long stap long stet na kastomeri graun olsem wanem? Ol dispela pipel long ol setelmen i save baim wara bil olsem ol narapela manmeri i stap long taun? Yumi mas luksave olsem ol setelmen i sindaun long graun bilong narapela lain na ol i no hap bilong plen bilong taun. Na ol kendidet i mas skelim gut ol toktok pastaim ol i mekim kain promis bilong kisim wara saplai o rot i go long ol setelmen long taim bilong ileksen.

Wampela bikipela samting we nupela gavman i mas luksave long en na wokim samting long edresim em loan a oda long kantri i wok long go nogut. Ol bikipela taun olsem Nesenel kapitel Distrik, Lae, Hagen na Goroka i pulap long ol stil lain i save pulim ol bilum na bek long ol manmeri na moa yet, ol meri. Dispela i mekim na i stopim ol meri long mekim ol wok gut na helpim developmen bilong kantri long sait bilong wok mani. Long wankain taim, raskol pasin i save kamap bikipela na moa yet, taim ol polis i bungim hevi long trenspot bilong raun mekim wok bilong ol long daunim ol loa na oda hevi.

Hevi long loa na oda i save bagarapim groan a developmen bilong kantri, moa yet long sait bilong ikonomi n a ol wok bisnis. Olsem na moa lukluk i mas go long long ol eria we i kamapim ol loan a oda hevi. E ol eria olsem planti pipel i wok long lusim ples na kam stap long taun na populesen long taun i groa bikipela hariap na i kamapim sot long ol haus bilong stap long en, planti lain i nogat wok i stap nating, pasin turangu i wok long go bikipela, planti liklik manki i wokim stil na bikhet pasin na hevi long sait bilogn helt, populesen i groa hariap tru na prais bilong ol kaikai samting i go antap tru. Ol dispela sosel na eben hevi i bihainim groa bilong ikonomi na ol i no stap tasol long dispela tupela eria, nogat. Tasol long ol bikipela plen bilong stopim ol bikipela birua long kamap.

Stretim loa na oda hevi na stap na sindaun gut i kamap em samting ol foren investa, ol lokol bisnis haus na turisim indastri i laikim i mas stap na nupela gavman bai ka map bihain long ileksen i mas givim prairiti o bikipela lukluk long en. Ol samting i kamap taim loan a oda i nogut em korpasen, ol loa i no gutpela, nogat gutpela gava-nens na bikipela samting moa em politiks long kantri i mas ron gut. Na kantri bilong yumi i mas ron gut. Kamapim gut sefti na sekyuriti i kamapim gutpela envaironmen o ples we ol bisnis i ron gut, turisim indastri i groa na kwaliti long laip bilong pipel bai go gut.



Raun Lukim ol Meri na Pikinini...

BUNGIM PAIAWUT: Tupela mama na pikinini bilong Aua Ailan, wampela liklik atol ailan long Manus i sanap long liklik haus we ol i save bungim ol paiawut i stap na yusim long kuk long en. *Poto: Aua Rufu Toi*

PNG SUSTAINABLE DEVELOPMENT PROGRAM LTD



Daru Epot Appredim wok

Daru i bungim bikipela hevi long kanselim bilong ol balus ron i go insait, na i go aut long Daru, long las faipela yia bikos sindaun bilong epot ranwe i no gutpela. PNGSDP i bin givim K22 milian bilong wampela K40 milian appred program, we Global Construction i karimaut, aninit long lukaut na stia bilong National Airports Corporation. Narapela lain i givim mani em FRPG, aninit long Saut Flai Distrik mani-mak inap long K18 milian. Appredim wok i pinis, na ol balus ron i kirap gen. Olsem wampela provins we i sindaun olgeta long balus trenspot long karim ol manmeri na kago i go kam, appredim bilong Daru epot i lukim bikipela senis long developmen long ailan na provins. Bihain long gutpela wok inspeksen o glasim bilong ol wok appredim, NAC i givim wampela 'Certificate of Completion' long kontrakta long makim pinis bilong olgeta wok.



Daru Sip-bris

Tupela yia i go pinis, ol i bin pasim sip-bris bilong Daru bikos em i bin bagarap olgeta, na i no gutpela long yusim. Dispela i bin bagarapim karim bilong kago i go insait na i go aut long Daru, na em i bin givim hevi tu long ol wok bisnis, na mekim kostim bilong gutpela solwara trenspot i go antap tru. PNGSDP i givim K10.2 milian bilong sanapim bek dispela sip-bris. Curtaim Bros i winim kontrak bilong mekim dispela wok stretim, we ol i go het long mekim wok pinis, na bai ol i pinisim wok long pinis bilong 2012. Sip-bris bai stap bilong ol komyuniti klostu long yusim, wantaim tu ol liklik kornesal sip we i save karim kaikai na ol jeneral saplai i go long Daru, olgeta mun bilong yia.



Tawo'o Point Industrial Sit Pail Wof

Long sapotim konstraksen bilong Daru Dip Wara Pot, wampela Sit Pail Wof bai sanap long Tawo'o Point bilong rausim ol bikipela masin na kago bilong wok konstraksen long dispela sip-bris. Dispela bai kostim samting olsem K15 milian. Nau yet, dispela hap ol i save yusim bilong tromoi pipia wara, bai ol i sanapim tu wampela tritmen ples bilong klinim ol dispela doti wara. Dispela bai givim wampela wol standat ples-pipia. Dispela bai opim rot bilong wok konstraksen long wof. Dispela sip-bris bai op moa aninit long nupela Suris Developmen program bilong Daru ailan yet na bai gat rot long mekim dispela i go bikipela moa long bihain taim.



Daru Wara na Suris Projek

Daru Wara saplai sistem i stap nau em i olpela tru, na i no moa inapim mak bilong namba bilong ol manmeri i stap long Daru. Olsem, na i noget wampela gutpela suris sistem long ailan, na dispela i givim hevi na kamapim birua long helt sindaun bilong ol manmeri long ailan. Wok long ol wok appredim long projek i go het wantaim disain bilong tritmen na pamim rot na rot bilong baim ol samting. Dispela developmen bilong wampela Sip-bris long Daru, na ol arapela wok developmen bai givim moa hevi long infrastraksa i stap nau, na ol sevis insait long Daru taun yet. PNGSDP i makim pinis K52 milian bilong kirapim bek wara saplai, na long bildim wampela gutpela suris sistem.

I kam long tebol bilong CEO (Article #20 of 2012)



CEO: David Sode

Tel: (675) 320 3844/45 | Fax: (675) 320 3855 | Email: enquiries@pngsdp.com
Website: www.pngsdp.com

GIVIM NA KISIM:
Profesa Nakapi
Tefuarani bilong PNG
OOH i kisim K100,000
sekmani long NFA
Menesing Dairekta,
Sylvester Pokajam
taim Fainensel
Kontrola bilong NFA,
Terry Ward i lukluk
long baksait i stap.
Poto: NFA Pablik
Rilesen

PNG OOH kisim
K100,000 helpim
OPERESEN Open
Hat (PNG OOH)
Progrem i save helpim
planti liklik pikinini, ol
yangpela na sampela
bikpela man long dis-
pela kantri i wok long
kisim ol donesen i kam
long ol bikpela na liklik
kampani long dispela
taim.

Long dispela wik,
OOH i bin kisim
K100,000 i kam long
Nesenel Fiseris Atoriti
(NFA) baim ol masin
bilong yusim long wok
taim progrem i kamap

NFA donatim K100,000



long mun i kam. Tu,
sampela hap mani bai go
long baim ol balus tiket
na ples bilong slip na
kaikai long ol dokta na
nes husat bai kam long
Australia long wok wan-

taim sampela ol dokta na
nes long Mosbi Jenerel
Haus sik yet long kari-
maut ol operesen bilong
ol pikinini i gat sik long
lewa.

Menesing Dairekta

bilong NFA, Sylvester
Pokajam, i tok NFA i
amamas long givim
helpim long sevim laip
na em bai skruim helpim
we em i givim long sam-
pela yia nau i go moa.

Moa sans long skul long Australia

PLANTI yangpela PNG man-
meri i wok long gat sans long
skul long Australia long dis-
pela taim.

Long dispela wik, 5-pela
lain we tupela em ol meri, i
mekim ol wok redi pastaim ol i
lusim kantri na go long
Australia long skul long ol
bikpela skul olsem ol yuni-
vesiti long hap.

Foapela long ol i winim ol
Dvelopmen Skolasip taim
namba 5 man em Robert
Lutulele nau i skul long
Australia Senta bilong
Intanesenel Agrikalsa Risets
bai skruim skul bilong em
long Australia Nesenel
Yunivesiti. Ol narapeal em
long Monica Chakumai bai
kisim Intanesenel Bisnis long
Kenbera Institut ov Teknoloji,
Stephenson Mann bai wokim
Mastas long Gavanens long
Sidni Yunivesiti, Pauline
Tovebae bai kisim Diploma

long Komyuniti Welfea long
Sautbenk Institut long
Kwinslen na laspela em long
Kaepae Ken Ali bai wokim
Doktoret bilong em long
Curtin Yunivesiti.

Opis bilong Skolasips PNG
i tok ol lain we i stap long
sotlis long skul long Australia
bai wokim ol tes na intevyu
bilong ol long dispela mun.

Long wankain taim, ol lain
bilong James Cook Yunivesiti
(JCU) long Australia bai holim
ol infomesen miting o bung
long Mosbi long dispela mun
long ol manmeri i laik go skul
long hap. JCU i gat ol kempus
o han long Kens (Cairns na
Taunsville long Not Kwinslen
na tu, long Singapo.

Ol dispela pablik infomesen
sesen bai kamap long Fraide,
Jun 15 long ol lain ol i sotlis-
tim ol long kisim skolasip
bilong AusAID.

BPWC kisim K27,000 helpim long Esso Hailans

OL YANGPELA meri husat i
laik skruim skul bilong ol i
kisim K27,000 i kam long
Esso Hailans Limited long dis-
pela wik taim dispela opereta
kampani bilong PNG LNG, i
givim dispela manimak long
Bisnis na Profesenel Wimens
Klab (BPWC).

Dispela mani bai helpim
BPWC long skolasip progrem
bilong em we em i save
helpim ol meri long skul long
teseri level.

Planti yangpela meri i save
kisim helpim long BPWC na
go long ol bikpela skul. Na
bihain, ol i kisim gutpela wok
we i helpim ol i mekim gutpela
kontribnusen long famili,
komyuniti, provins na kantri.

Ol bin statim BPWC long
1982 aninit long ambrela
bilong Nesenel Kaunsel
bilong ol Meri, na i kam inap
nau, em i ron gut stret na
helpim planti handret meri
pinis.

UPNG stretim pinis hevi

BIHAIN long wanpela hevi i bin
kamap long Yunivesiti bilong PNG
(UPNG) long Waigani kempus las
wik, menesmen i bin skruim taim
bilong wokim tes long dispela wik.

UPNG i bin gat hevi long pawa o
lait long tupela wik taim pawa i wok
long go aut planti taim na ol ples
bilong slip na tu, ples bilong stadi i
nogat lait. Mekim na ol sumatin i no
stadi gut. Olsem na taim pawa i bin
go aut long Tunde nait las wik, sam-

pela sumatin i bin belhat na brukim
ol glas long sampela ol edministren-
sen opis.

Vais Sansela na menesmen i bin
bung na toktok na bihain, ol i
prisenim ol toktok i go long UPNG
Studen Kaunsel husat i bin toktok
wantaim ol sumatin.

Nau ol i stretim pinis ol samting
we ol sumatin i bin laikim na skul i
holim ol tes bilong namba wan
semesta o skul yia long dispela wik.



BPWC KISIM HELPIM: Valentine Kaman na Shabaka Gibson bilong EHL i presenim K27,000 sekmani i go
long Rachel Thompson na Susil Nelson bilong BPWC. Poto: Esson Hailans Limited

Gavman mas sapotim ECCE

GAVMAN i mas givim sapot
na luksave li go ong ol Early
Childhood Care na Education
(ECCE) o skul bilong ol liklik
pikinini sapos kantri i laikim
ol gutpela manmeri wantaim
ol gutpela pasin, na tu, dau-
nim ol sosel hevi .

Tupela meri i save ranim ol
praivet ECCE skul long
Mosbi em Theresa Boli bilong
Virtues ECCE na Helen
Haricknen bilong Lahara Plei
skul long Boroko, i wokim dis-
pela toktok.

Tupela i tok tude, plan it
meri i go aut wok na tu, ol
mama long infomol sekta i
save sindaun long ol liklik
maket bilong ol na i nogat
lain bilong lukautim na stiaim
ol pikinini bilong ol. Olsem na
ol pikinini i save go raun na
pilai long strit na lainim ol
pasin na toktok i no gutpela.

Inap nau, ol ECCE i no
kisim wanpela skul sabsidi
helpim i kam long nesenel
gavman.

Komyuniit Kolis bai givim bikpela helpim

OL KOMYUNITI Kolis long dispela
kantri bai skruim wok bilong ol i go moa
wantaim ol nupela infomesen teknoloji
masin samting ol i kisim.

Ektong Edukesen Sekreteri, Luke
Taita, i tok wantaim het tok, "Kisim i go
insait ol dispela i stap ausait na givim
gutpela samting long ol lain i no bin gat
sans", Komyuniti Kolis i save givim sans
long ol lain i no save go insait long
nomol fomol edukesen sistem. PNG
gavman i putim K130 milian na gavman
bilong Saina aninit long US\$35 milian
sof lon o dinau long kirapim samting
olsem 89 Komyuniti Kolis long PNG.

Mista Taita i tok Komyuniti Kolis em i
wanpela sistem bilong edukesen bai
givim sans long ol skul liva, ol rurel yut
na ol meri na ol narapela husat i laik
apgretim ol save bilong ol. Skul we dis-
pela kain kolis i givim em long skul bai
ol i lainim na kisim wok long en, givim
save na wok na edukesen long helpim
manmeri long laip.



NUPELA NA OLPELA:
Nupela peris pris bilong
Sen Charles Lwanga,
Pater Mark long wanpela
sios selebresen. Pastaim
peris pris, Pater John
Willio, i sanap long baksait.
Poto: Fail Poto

Sen Charles Lwanga peris gat nupela pater

Veronica Hatutasi i raitim

SEN Charles Lwanga Peris long Gerehu insait long Nesenel Kapitel Distrik i gat nupela peris pris.

Nem bilong en em Pater Mark Kautu, wanpela pater long Misinari bilong Sekred Hat (MSC) kongriksen.

Katolik Sios na ol narapela sios tu i save wokim sere-
moni long tok welkam long
nupela pater, pasto o bisop
na olsem, Sen Charles
Lwanga peris na ol perisina i
bin holim wanpela lotu bung
tupela wik i go pinis long tok
welkamim nupela pater, Pater
Mark.

Insait long wanpela misa
lotu sevis, Pater Mark i bin
mekim tok promis long wok

bung wantaim peris kaunsel
long karimaut wok long stiaim
ol perisina long spiritual,
sosel na fisikel sait. Na em
bin kisim ki long pastaim peris
pris long 8-pela yia, Pater
John Willio, olsem mak bilong
luksave peris kaunsel na ol
perisina i givim em olsem lida
bilong ol.

Vika Jenerel bilong Pot
Mosbi Katolik Asdaiosis,
Pater Ben Flemming, i bin go
pas long misa lotu wantaim
helpim bilong Pater John,
Pater Paul bilong Kerema
Daiosis na (nupela peris pris)
Pater Mark.

Taim Pater Ben i givim nu-
pela pater i go long kongrike-
sen, em bin salensim ol long
wok bung wantaim na sapo-
tim em long bildim sios, na
noken skelim em wantaim

pastaim pater.

“Kisim nupela peris pater i
opim (nupela) sapta long yu-
pela. Tok lukaut bilong mi
long yupela em, noken skelim
nupela peris pris wantaim
pastaim wan. Em i no fea
long nupela pater. Tasol i
moabeta long yupela i gat
tras o bilip long em na wok
bung wantaim long bildim na
strongim peris. Sanapim sios
bilding i wanpela sait tasol
wantaim spiritual sait, tupela i
go wantaim. Peris bilong yu-
pela em i wanpela bikpela
peris, na mi tok tenkyu long
Pater Mark long putim han bi-
long em na tok yesa long
sevim yupela. Tok tenkyu tu i
go long kongriksen bilong
MSC long sapotim dispela
peris.

“Na tok tenkyu tu i go long

Pater John husat i bin gutpela
sefed bilong yupela long dis-
pela peris. Em bai kamap
olsem Pastorel Vika Jeenrel
bilong Asdaiosis nau,” Pater
Ben i bin tok.

Taim Pater John i bin autim
tok tenkyu bilong em tu i go
long ol perisina long wok gut
wantaim em long las 8-pela
yia, em bin tok givim helpim
na sapot bilong em i go long
peris.

Pater Mark i bin luksave
long wok we Pater John i
mekim long las 8-pela yia,
tasol em bin tok nupela wok
em i kisim olsem Pastorel
Vika Jenerel bilong Asdaiosis,
dispela em i bikpela wok tu.

Em bin askim peris kaunsel
na ol perisina long wok bung
na sapotim em na ol bai lukim
ol senis i kamap.

Tripela seminari mekim laspela promis

Pater Paul Liwun i raitim

**HOLI Spirit seminari long Bo-
mana ausait long Mosbi i bin
lukim tripela Divain Wod (SVD)
seminari i mekim laspela promis
bilong ol pastaim long ol i kamap
pater.**

Long Me 28, 2012, wanpela
bikpela selebresen i bin kamap
long haus lotu bilong Holu Spirit Seminari
we i bin lukim tripela SVD seminari
bilong ol i wokim promis long stap
pas wantaim kongriksen na mekim
wok misinari.

Lotu i bin stat long 4.30 apinun. Ol
lain seminari bilong Momase i bin
putim naispela tumbuna bilas na
singsing i go pas long bringim i kam
insait long sios tripela seminari wan-
taim ol famili bilong ol. 19-pela pater
i bin stap long dispela bikpela lotu.

Nem bilong tripela seminari (I kam
long han kais) em long Bruder Eric
Kojo Ankamah SVD, bilong Ghana,
Africa, Bruder Vincent Guawi SVD,
(*name!*) bilong Maprik long Is Sepik
Provins, na sanap long han sut em
Bruder Samuel Balkono Nabare
SVD, bilong kantri Ghana tu long
Africa.

Tupela Bruder Eric na Samuel i
bin kam long PNG 4-pela yia i go
pinis na stadi Tioloji wantaim ol nara-
pela seminari lain bilong PNG long

Bomana Seminari.

Sampela mun bihain, tripela bai
kisim ordinesen bilong kamap diken.
Bihain long dispela, ol i bai go aut
mekim wok long ol wan wan peris
inap long 6-pela mun. Na bihain long
6-pela mun, ol i bai kisim ordinesen
long kamap pater.

Pater John Mc Carthy SVD,
Provinsel Supiria bilong SVD long
PNG i bin go pas long santu Misa.

Em bin tok tenkyu long ol famili bi-
long tripela long givim tok orait long
ol pikinini bilong ol i joinim lain bilong
SVD long mekim wok bilong God.
Em bin tok tenkyu tu long tripela
husat i bin tok orait long wokim
promis bilong stap olsem wok man
bilong God wantaim lain SVD oltaim.

Planti manmeri husat i bin kam
long witnessim promis bilong dispela
tripela seminari na soim sapot bilong
ol i go long tripela i bin pulapim haus
lotu stret.

Bihain long santu Misa, lain famili
na pren i serim amamas wantaim ol
long serim bikpela bung kai long Di-
vain Wod Kolis. Planti manmeri i bin
bringim kaikai olsem mumu, aigir na
ol narapela na bung wantaim long
kaikai wantaim na serim amamas.
Sampela peris insait long Mosbi tu i
bin wokim sampela tumbuna sings-
ing na danis bilong amamasim
tripela. (*Stori na Poto: Pater Paul
Liwun SVD*)



PNG politik i brukim rekot long ol Komonwel kantri

LONG politikel histori bilong PNG, yumi no bin bungim
wanpela kain politikel hevi olsem dispela we yumi wok
long bungim long dispela sotpela taim- long 9-pela mun.

Insait long dispela 9-pela mun, ol kerismetik politisen i
no bihainim na tingting long loa bilong dispela kantri. Ol
bin brukim Mama Loa na go het na ilektim o makim praim
ministra long tripela taim.

Namba wan long mun Ogas las yia, namba tu taim
long mun Disemba, na las wik (mun Me) em bin namba
tri (3) taim.

Dispela ol kerismetik mangi i wok long bihainim tingt-
ing, laik na pasin bilong ol yet long mekim ol dispela
asua. Na dispela i bikpela sem pasin tru long ol Komon-
wel kantri.

Sapos ol kauboi long palamen I no bihainim loa na di-
sisen bilong kot bilong PNG, bai yumi ol liklik manmeri
bilong PNG i bihainim olsem wanem?

Sapos ol kauboi bilong palamen I bihainim loa na I go
mekim nabaut long kot rum na futbolim Sif Jas olsem
Belden Namah na ol boi bilong en i bin mekim long las
mun, bai yumi ol liklik manmeri bilong PNG i respektim
loa olsem wanem?

I gat sampela rot i stap we bai loa i mekim save long
dispela kain ol hambak kauboi o nogat? Planti save man-
meri I no mekim nois liklik long dispela kain bikhet pasin
bilong ol kauboi bilong polisman na ol I go het na tok
olsem, em ol vaibren na God Chosen lida o God yet I
makim. Tasol long mi, em I no stret.

Long wanem, sapos em I laik bilong God ol dispela
kain hevi bai no nap kamap.

I gutpela sapos ol dispela kain hevi i kamap long ol
selpis, stil na ol korap lida o memba long palamen i
kamapim, yumi mas lukaut gut na noken yusim nem bi-
long God nating.

Lukim dispela ol tripela bikpela asua long ilektim Praim
Minista, Peter O'Neill long tripela taim i no stret. Na em
o PNG i soim nem nogut long ol arapela komenwol
kantri?

Tru yumi wok insait long sios tu i wokim wankain pasin
bilong kerismetik na ol traim long brukim loa bilong God.

Tasol yumi luksave olsem ol i nogat het na tel na kwik
taim ol i brukbruk na dai nabaut. Wankain loa bilong,
yumi o lukim pilai soka long mama bilong yumi o lukim
yangpela ol kauboi long balot bokis. Yumi pipel i redi long
pilai soka wantaim yupela tu.

Lukim yupela long balot bokis!



SELEBRET: Ol Sande skul pikinini bilong Sen Barn-
abas i selebretim Tenks giving de bilong ol na ol i
soim amamas bilong ol wantaim danis na singsing.
Poto: Paulus Tali





TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service	
6am - 7am	6080; 7240(KHZ)
7pm - 9pm	5995; 6020; 9710; 1280(KHZ)

S.A.B.L i bagara-pim tru laip bilong PNG pipel

WANPELA meri lida i tok spesol agrikalsa bisnis lises i kamapim ol bikipela hevi tru long ol komyuniti long kantri.

Elizabeth Tongne, husat i eksekativ dairekta bilong Widebay Konsavesen Asosiesen, i mekim dispela toktok long Melbourne dispela wik, we em i statim tupela wik raun bilong em.

Elizabeth em bilong Pomio distrik, we planti kros na wari i wok long kamap bihainim tingting bilong kamapim bikipela welpam projek long graun bilong ol pipel.

Elizabeth Tongne i tok ol papa graun i no laikim tru dispela welpam projek long graun bilong ol.

Solomon Ailans bai lukim planti wok maining

SOLOMON Ailans nau i wok long lukim planti foren kampani i wok long soim laik long mekim ol wok maining long kantri, na dispela i wok long bringim tu bikipela mani i go insait long Solomon Ailans.

Jemima Garrett i ripot olsem stat long taim ol i bin opim gen Gold Ridge main long Guadalcanal provins, tupela yia i go pinis, planti ol maining bisnis lain i wok long soim bikipela laik long go insait long dispela bisnis.

Gavana bilong Sentral Benk, Denton Rarawa, i tok ol dispela bisnis lain i laik painim gold, nikel, na tu, ol minerals aninit long solwara.

Gavman i givim pinis 11-pela laisens i go long ol bisnis lain long kantri yet, na tripela i go long foren kampani em ol i no stap long Solomon Ailans yet.

Mista Rarawa i tok sampela bikipela kampani em ol i gat laik long wok long Solomon Ailans, em Sumitomo bilong Japan, na Newmont bilong Yunaitet Stets.

Mista Rarawa i tok ol wok maining bai bringim bikipela mani i go long kantri long dispela yia.

Gold Ridge maining kampani i gat 1000 wokmanmeri na dispela i mekim em olsem wanpela kampani em i givim wok long planti pipel tru long kantri.

Fiji i wari tru long sik suga

WANPELA sinia dokta long Fiji i tok, gavman i mas mekim planti moa wok bilong daunim sik suga o daibitis, long kantri.

I gat ripot olsem long Fiji, ol dokta i save katim lek bilong ol pipel husat i gat sik suga olgeta

12-pela awa long wanwan de.

Dokta Josese Turagava bilong Colonial War Memorial Haus sik long Suva, i tok Fiji i mas statim ol wok bilong skulim ol pipel long ol gutpela rot em ol i ken bihainim bilong halivim ol long noken kisim sik suga, na em i noken wet inap em i let tumas pinis.

Em i tokim Pacific Beat progrem olsem ol i save katim lek bilong ol pipel bilong daunim ol sik em sik suga i save kamapim, na ol i save mekim dispela bilong sevim laip bilong ol pipel.

Katim rausim lek em long traim na sevim laip bilong man pastaim. Taim yu inap long kontrolim sik sua, orait, mipela i save lukluk long riabilitesen na bihain, strongim ol long lusim haus sik.”

Humen raits loya i wari long HIV/AIDS marasin

WANPELA humen raits loya i tok sampela kain wok tred namel long ol kantri long wol i wok long stopim ol sikmanmeri long kisim ol gutpela marasin long daunim sik HIV/AIDS.

Namba bilong ol pipel husat i wok long kisim dispela sik i wok long go antap yet long Pasifik rijen, na planti long ol i stap long Papua Niugini.

Dispela loya, Kajal Bhardwaj, tok sampela tok orait bilong tred i min olsem sampela marasin i dia tumas oa sikmanmeri i mas baim bikipela mani tru long kisim ol dispela marasin, na planti long ol dispela pipel i save stap long ol developing kantri we ol pipel i no save gat mani long baim ol dispela marasin.

Em i tok, wanpela samting em i save kamapim ol dispela hevi em kain loa em i save karamapim save bilong ol lain husat i save mekim ol dispela marasin o intaleksual propeti raits.

Mis Bhardwaj i tok wanpela samting em ol gavman i mas mekim em bilong lukluk gut na skelim ol wanem kain mani em ol i mas lusim long baim ol dispela marasin bilong sevim laip bilong ol pipel bilong ol.

Bai nogat smuk long Pasifik Festival viles

OL Pasifik Ailan pipel husat bai go long Festival ov Pasifik Ats long Solomon Ailans, bai no nap smuk insait long Pasifik viles.

Dispela toktok i bin kam long Ministri bilong Helt, husat i tok, em bai stopim ol pipel long smuk long halivim ol pipel bilong rijen long save olsem smuk i save kilim planti pipel long Pasifik na tu, long wol

olgeta yia.

Dispela tingting bilong gavman i kamap long wankain taim em ol i bin tokaut long wanpela ripot olsem Solomon Ailans i winim ol narapela kantri long Pasifik, long bikipela namba tru long ol pipel bilong en husat i save smuk.

Dokta Cedric Alependava, anda sekreteri bilong Solomon Ailans Helt Ministri, i tok dispela tambu em i halivim helt bilong ol pipel.

Ijip pipel i bung bihainim kot ruling long Mubarak bai kalabus inap em i dai

PIPEL i wok long protes i kros na holim ol bung long Ijip (Egypt).

Pipel i bung ausait long kot long Kairo (Cairo) i bin singaut na amamas long taim sif jas i bin salim Mubarak long kalabus long ol sas long wokbung wantaim ol narapela long kilim pipel i protes agensim rul bilong em long taim ol trabel i bin kamap long yia i go pinis.

Tasol amamas i no stap longpela taim pipel i bin kros moa yet taim kot i larim i go fri sikspela polis komanda na rausim olgeta sas aensim tupela pikinini man bilong Mubarak, Allaa na Gamal.

Pait i bin kamap namel long ol pipel i bung long protes na ol raiot polis husat i bin wok sekyuriti long haus kot.

Long nait, em i bin gat planti planti pipel i bung long Tahrir Skwea, long kairo, ples we ol protes bilong pipel i bin kamap long en long yia i go pinis, na i go bin gat planti moa ol bung pipel i hyolim long Alexandria na Suez.

Planti ol Ijip pipel namel long ol, ol kandere na famili bilong 850 pipel em ol i bin kilim ol long ol trabel em i bin kamap insait long 18 de olgeta.

Ol kros i kamap long kot long wanem em i larim planti long pipel insait long ol atoriti i go fri.

Ol narapela i belhat long kot i no givim ruling agensim Mubarak bai em i mas dai, bihainim askim bilong ol prosekusen.

"Down with military rule," em singaut bilong pipel i protes long Tahrir, we ol i wok long holim ol fleg na singaut.

"Either we get justice for our martyrs or we die like them," wanpela hap long pipal i bung i bin singaut.

Hanafi el-Sayed, husat pikinini man bilong em i bin dai long ol pasin protes na pait, i bin ron lusim Alexandria bilong lukim dispela kot.

Planti tu i wari bai Mubarak i go fri bihain long em bai apil. Krsimas bilong em 84.

Loya bilong em i tok pinis em bai putim wanpela apil i go long kot.

US bai salim ol nevi sip i go long Pasifik

AMERIKA i tok em bai muvi bikipela namba bilong ol nevi sip bilong em i go long Pasifik long taim yia 2020 i kamap.

Sekreteri bilong Difens long Amerika, Leon Panetta, i bin tokim wanpela bikipela miting long Singapore olsem disisen bilong putim 60 pesen long ol wosip bilong Amerika long Pasifik Osen, i hap long ol nupela wok bilong em i go long Esia.

Long nau, UN nevi i gat wanpela lain bilong 285 nevi sip.

Mista Panetta i sakim ol toktok olsem dispela mu vi bilong stopim pawa bilong Saina long rijen.

Em i tok wok bilong ol long mekim bikipela na stap insait long Esia i samting ol i mas mekim na kamap wantaim developmen na groa bilong Saina.

Mista Panetta i bin tokim tu dispela bikipela miting olsem Amerika bai wok bilong kamapim ol wokbung wantaim ami bilong Burma sapos dispela kantri i go het long rot bilong mekim ol senis.

Vanuatu i arestim Sitizensip komisin siaman

POLIS i pulim kalabusim pinis siaman bilong Vanuatu Sitisensip Komisin, bihain long ol i autim tok long en olsem em i bin brukim loa na halivim ol pipel bilong kisim sitisensip bilong Vanuatu.

Ol i bin sasim Joe Melsen Arnabat i bin brukim loa na mekim ol giaman toktok long givim sitisensip i go long ol forena, maski sapos em i bin save olsem dispela i bin brukim loa bilong kantri.

Em i bin baim kot na em bai kamap gen long kot long wik bihain.

Ol i bin toktok na askim tu tenpela narapela pipel bihainim ol stori olsem sampela forena i bin kamap sitisen bilong Vanuatu nating na ol i no bin bihainim gut ol loa bilong kantri long kamap sitisen bilong Vanuatu.

Tupela pipel bilong Nu Silan (New Zealand) i bin stap namel long dispela tenpela pipel em ol i bin pulim kalabusim ol.

Nainpela ol narapela, wantaim tu siaman, em ol Ni-Vanuatu.

Aninit long loa bilong Vanuatu, sapos wanpela man o meri i laik kamap sitisen, em i mas stap long Vanuatu long tenpela yia, orait, em i ken askim long kamap sitisen.

Na tripela Ni-Vanuatu i mas sapotim ol dispela sitisen aplikesen.

Solomon Ailans bai mekim Nu Silan i seksek

SOLOMON Ailans, husat i hostim OFC Nesens Kap, bai mekim Nu Silan i wari liklik long wanem tim Solomons i soim masol tu ya.

Dispela bikipela pilai i bin stat long Sande long Honiara na Nu Kaledonia na Tahiti i bin winim pinis ol pilai bilong ol.

Tahiti i bin hamarim Samoa, 10-1, na Nu Kaledonia i bin strong tumas agensim Vanuatu taim em i bin kikim faivpela gol na Vanuatu, tupela tasol.

Dispela em i namba tu raun bilong OFC kwolifaing raun bilong 2014 FIFA Wol Kap.

Planti i ting olsem Nu Silan bai winim dispela tonamen, tasol Solomon Ailans, Fiji na Vanuatu bai traim strong bilong dispela lain bilong Nu Silan.

Wanpela pilaia bipo bilong Nu Silan, Intanesenel Wynton Rufer, husat i bin kisim mak olsem Pilaia bilong Sensari long Osenia, i tok olsem ol planti pipel tru bilong Solomons i kamap na lukim dispela tonamen.

‘Soka em i namba wan spot,” em i tok. “Ol i save bilip tru long dispela pilai, na taim ol i gat ol gutpela pilaia man, bai ol i pekim stedium olgeta taim Solomon Ailans i pilai. Dispela em i strong bilong homograun. Na em i bikipela samting. Miting olsem em bai hat long abrusim Solomon Ailans, na em bai hat tru bilong Nu Silan.”

PNG-Australia na Indonesia Free Trade Zone

WANPELA lida bilong Westen provins long Papua Niugini, i toke m i laikim Daru long kamap olsem wanpela fri tred zon we PNG yet, Australia na Indonesia i ken yusim na kamapim ol wok bisnis bilong ol long en.

David Sode, Sif Eksekativ Opisa bilong PNG Sastenabol Developmen Progrem, we em i save halivim ol pipel bilong Westen Provins i mekim dispela toktok long wankain taim em ol i bin lonsim tupela bikipela projek long Daru.

Ol dispela bikipela wok i karamapim wok bilong stretim gut gen, nap les balus na kamapim olsem wanpela intanesenel epot, na narapela em bilong kamapim bikipela haba o bris.

Mista Sode i tok bikipela laik bilong en tru em bilong larim PNG, Australia na Indonesia i wok bung long tred insait long Daru.



Listen to Radio Australia
101.9FM Port Moresby

4. 5. 6am & 4pm. 5pm
including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



KOMENTRI

Wanem samting i gutpela long 'mani politiks'?

MANI na politiks, em tupela samting i save pas tru olsem mit na bun. Tasol wanem em i mit, na wanem em i bun long taim bilong ileksen.

Sapos yumi lukluk long ol lida bilong yumi i sanap resis long dispela ileksen, bai yumi ken lukim olsem ol olpela lida man bilong yumi, nau ol i wok long bung wantaim, na ol yangpela lida bilong tude, i wok long strongim kona bilong ol i stap.

Tasol long bipo long ileksen i go het, bikpela toktok, na planti pairap i wok long sut long mani.

Dispela samting, em ol i save tok, em i as tru bilong paul pasin.

Ol yangpela lida olsem Belden Namah i kisim planti kain sut toktok olsem ol i wok hait na kisim paul mani i kam insait long kantri.

Luksave olsem ol lida man bilong yumi i stat bungim mani bilong kempen long las yia yet, i no samting i stap ples hait.

Nau, yumi lukim ol i wok long karim ol bikpela mekpas kesmani raun na tromoi, olsem ol hap pepa nating.

Tru tumas, mani nau, em i samting planti lida i wok long kisim strong long en.

Tasol em i gutpela bilong yumi ol pipel, o nogat? Long wanpela sait, planti ol yangpela savemanmeri bilong tude, i no moa aipas long mani.

Plant i gat strongpela tingting, na laik bilong lukim gutpela na stretpela pasin.

Dispela em ol lain manmeri long ol taun na siti bilong yumi, husat i wok long yusim mobail fon, na planti ol arapela teknoloji na masin bilong tude, long autim tingting, skelim tingting, na strongim tok akauntabiliti.

Siting memba bilong Vanimo-Grin, yet i tok olsem ating PNG i no redi long kain lidasip stail bilong en.

Tasol em i holim wanem kain strong long inap long go pas long ol polisman long painim na sasim Sif Jastis bilong kantri?

Dispela em i kain lidasip yumi laikim long wanpela lida husat i gat bikpela driman long kamap praim minista?

Kain toktok long kolim ol bikpela mani-mak olsem K5 milian, K10 milian, na K30 milian, em i no mangi mangi toktok.

Em i toktok bilong man husat i save olsem i gat rot i stap, we em i ken kisim mani long laik bilong em.

Tasol em i kain pasin lida yumi laikim long kantri? Yumi mas skelim tingting gut, na luksave.

Em i no min olsem ol olpela lida bilong yumi i mobeta. I tru, ol i gat moa save long politiks, na ol i gat moa save long wok-gavman. Tasol olsem wanem long ol asua bilong ol long bipo?

Yumi laik bai yumi karim wankain hevi gen?

Wanpela samting i klia. Save bilong ol manmeri vota tude, i no wankain olsem savemak bilong ol vota long bipo.

Skelim gut ol kendidet i tromoi mani na kain kain gris toktok. Sapos toktok bilong em i krai gut, noken givim vot kwik.

Skelim tu pasin bilong em olsem man o meri long komyuniti. Sapos planti manmeri i save gut long lida i tokaut klia long pasin bilong em, bungim wantaim olgeta stia bilong gutpela lidasip, na bihain makim lida bilong yu.

Gris bilong mani, i no save luksave long stretpela pasin. Em i samting bilong nau tasol. Tumora, nogut bai nogat.

Paias Wingti na Sir J soim piksa

SANAP wantaim bilong Sir Julius Chan na Paias Wingti i soim wanpela piksa nau olsem tupela lapun bilong politiks i laik fomim gavman bihain long nesenel ileksen.

Tupela i no soim wanpela sain o givim spes long ol yangpela lida long poroman wantaim tupela long kamapim gavman.

Dispela kain piksa i soim olsem tupela lapun bilong politiks i no laik wok poroman wantaim ol yangpela lida bihain long tupela i lukim ol samting na senis we i bin kamap long 2007 palamen na gavman i kam inap nau.

Tingim, planti lida i toktok raun nau long kempen olsem kantri i mas gat nupela blut lida we ol yangpela i ken ranim kantri bikos ol lapun i ronim kantri isi isi tumas na tu sevis na developmen i no go daun gut long ol ples long ples. Ating ol yangpela lida i



ting ol i no lain bilong toktok tumas na tingting planti tumas long samting bilong pipel. Wanem samting i bilong pipel mas go stret long ol. Ol ting ol i no wankain olsem ol lapun lida we em ol lain bilong mauswara tumas na nogat eksen.

Em kainkain stail bilong politiks tasol dispela piksa bilong Wingti na Sir Julius Chan em soim olsem tupela lapun i save moa long politiks na rot bilong ranim kantri na lukautim pipel go fowet.

Yumi ken lukim olsem ol yangpela lida i gat pati bilong ol yet na ol i sanap wantaim. Kain olsem Belden Namah em lida bilong PNG Pati we gat ol strongpela yangpela lida olsem Sam Basil na Jamie Maxtone Graham, Don

Polye em lida bilong THE Pati, Peter O'Neill em lida bilong Pipels Nesenel Kongres (PNC) na William Duma em lida bilong Pipols Risos Pati (PRP). Ol dispela yangpela lida i soim sapot na sanap wantaim na sapos ol winim ileksen ol inap bung wantaim gen na kamapim gavman.

Niu Jeneresen Pati (NGP) tasol em olpela man, Bart Philemon i go pas long ol na em i no mekim wanpela toktok i klia yet sapos em bai sanap wantaim ol yangpela lain lida ya o em bai sanap wantaim tupela olpela Praim Minista ya Sir Julius Chan na Paias Wingti.

Somare em olpela lida na em lida bilong Nesenel Alaiens (NA) na em bin tok long givim pati lidasip go long yangpela lida bilong em Patrick Pruaitch bilong Vanimo Grin. Na sapos NA i win na kam bai ol join wantaim husat grup? Olsem na nau yumi ken

lukim tupela lain grup nau. Wanpela em ol lain lapun bilong politiks we ol laik ranim gavman na narapela em ol yangpela lida we ol tu i laik ranim gavman.

Tasol bai yu lukim olsem olgeta yangpela lida ya olgeta i laik kamap Praim Minista sapos pati bilong ol i winim ileksen. Wanpela em Gavana bilong Enga provins Peter Ipatas na nau em Belden Namah, Peter O'Neill na Don Polye. Olgeta foapela lida ya i putim ai pinis long sit bilong Praim Minista.

Ating Paias Wingti na Sir Julius Chan i lukluk long dispela sia tu tasol tupela bai inap givim isi go kam bikos tupela bai no inap resis olsem ol yangpela lida ya.

Tupela wantaim bin Praim Minista bipo na save gut long dispela sia olsem na mi no ting tupela bai hangre tumas. Bikpela samting em wanpela bilong tupela i kisim Praim Minista.



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



KATIM GRAS: Ol lain manmeri long Sidni (Sydney), Australia, husat i nogat haus slip i bin kisim luksave taim ol volandia manmeri bilong katim gras i katim gras bilong ol fri.



WETIM KWIN: Planti tausen ol manmeri bilong Ingran i bin sanap lain raunim Palamen Skwea long lukim Kwin Elizabeth Namba 2 long London long Tunde dispela wik. Ol manmeri i pulap long ol rot long London long Tunde long pinis bilong foapela de amamas long makim Daimon Jubili o namba 60 yia long em i stap Kwin.



GIVIM LUKSAVE: Kwin Elizabeth Namba 2 i tromoi han long ol manmeri long London taim em i sindaun insait long 1902 Landau karis klostu long Camilla, Duchess bilong Cornwall, long prosesio long Westminster Hall i go long Buckingham Pales long makim Daimon Jubili selebresen bi-long em. Man bilong kwin, Prins Philip, i bin sik nogut tru na em i silip long haus sik taim London i amamas na makim de bilong kwin.

Wol Nius long Poto...

HAIT LONG REN: Ol kau long Gippsland, Viktoria i hait long ren aninit long blanket bihain long bikpela ren i pundaun na Wara Avon i abrusim mak na bagarapim ples long Tunde.



AMAMAS: Elise Pearce i holim wanpela flek i soim piksa bi-long Kwin Elizabeth Namba 2 taim em i wet long lukim kwin i ron i kam long Daimon Jubili selebresen bilong em long Tunde.

SANS KAR: Daunbilo - Ol volandia i givim han long halivim ol manmeri bilong ples Tinamba long Isten Viktoria, Australia, long taim bilong bikpela haiwara i kisim gutpela malolo na sindaun long maus bilong dispela greda.



Sarere belo cruz – Host: Tuluyan Vitz
 1pm – 2pm – Sarere Belo Taim Dedikesen
 2:00pm NUIS – YUMIFM Nius Senta
 2pm – 6pm – Sarere Avinun Cruz
 6:00pm NUIS – YUMIFM Nius Senta
 6pm – 00:00am – Nait beat
 7pm – 9pm – Coca Cola Garamut
 9pm – 00:00am – Nait cruz
 00:00am – 6am – Brukim Tulait Show
 Wiken - Sandei
 6am – 10am – Wiken Sanrais / Sandei Monin
 wokabaut Muisik
 – Monin Treks
 10am – 12noon NUIS – YUMIFM Nius Senta
 12noon – Sandei Belo Taim Muisik
 12 – 2pm NUIS – YUMIFM Nius Senta
 2:00pm – Sandei Avinun Draiv Muisik
 2pm – 6pm – Nius – YUMIFM Nius Senta
 6pm – GOSPEL REKWEWS AUA
 6pm – 8pm – Late Nait Cruz – Poroman Aua
 8pm – 00:00am – Brukim Tulait Show
 00:00am – 6am

Program Director – YUMIFM – Kasty

Raun wantaim Wantok kru...

Dispela nait Quakes ben i no



93.1FM YUM! FM National Weekly Hit Parade: Produced & Host by: Kasty Statistics: Tahaiga Sophie & Poroman Crew <i>Week Ending: Saturday – 28th April 2012</i>				
Week Before	Last Week	This Week	Charting Song:	Artist:
3	3	1	Black Baby Lewa	Chris Sime ft Nathan Nakikau & Deandy Bones
1	1(6)	2	Sarefaina	Garry Vailbua ft Juggly
2	2(6)	3	B.K.	Unique ft Jay Rowson
4	4	4	Satisfy	Sibella Band ft Vanessa Fotul
5	5	5(4)	Old Muta Medley	Garry Vailbua
6	6	6	Why yu losim mi go	B-Rad
7	7	7	Me found love	Jokema
13	10	8	Fallen Angel	Waleus of Pangia
8	8	9	My People	Jah'varnz ft P-Naka
18	17	10	Eae hog moraka	Batak
11	11	11(4)	Angle Girl	Logic Crew ft Isaac Yama
9	9	12	Fenua Nakutua	Tevanu B Gravity / James Sime
15	14	13	Mi laikin yu stap	Iden-tical
17	15	14	Lewa	Mon-treal ft Webster & Mickey
10	12	15	Orchid V-Las	Leonard Kania
12	13	16	Lewa	Kiana Maiti ft Channel X Crew
0	18	17	Waiga Beal	Hayson Agenta
0	19	18	Dizz	Rodney Pokapika ft Delina Mimi
0	0	19	Sentex Mori	Strive
16	20	20	Hidden Valley	Batak
	Song:	In:	Sentex Mori	Strive
		Out:	Kiri	Reggie ft Twin Tribe

5:00 AM G JOYCE MEYER.
5:30 AM G TODAY
9:00 AM G CLASSROOM BROADCAST
9:00 – 9:40 GRADE 7 MATHEMATICS
9:50 – 10:30 GRADE 7 SCIENCE
10:40 – 11:15 GRADE 8 MATHS
11:20 – 12:00 GRADE 8 SCIENCE
12:00 AM G MIDDAY NEWS UPDATE

TORO



BIABIA



KANAGE



TOKWIN

Ren bagarapim posta

PLANTI ol posta bilong ol kenidet long Pot Mosbi i bin wet long tupela de ren, dispela ol posta ol mekim long pepa, plani bilong ol ren i bagarapim nogut tru.

Dispela em mak bilong yusim narapela mani gen long mekim nupela, na taim bilong kepen tu em sot nau na planti ol kenidet wok traim long karamapim bikipela hap ples long kisim vot bilong ol manmeri.

Dispela ren long Mosbi bin wasim

pes bilong ol kenidet gut tru wantaim posta bilong ol, planti manmeri long rot i tok larim ren wasim pes bilong ol, taim bilong ileksen yumi lukim kainkain pes na taim ileksen pinis dispela ol pes ya bai go hait na ren no inap wasim ol gen.

Gutpela toktok kam long kempen

OL kenidet i wok long mekim ol gutpela toktok long taim bilong kepen, tasol ol dispela toktok bai karim kaikai bilong em sapos ol win long go long Waigani?

Dispela em bai askim bilong yumi

ol wanwan manmeri, dispela liklik piga bilong yumi ol lain bai makim long tupela minit tasol na namba yu kamapim pinis long vot. Dispela em no longpela taim laka, tasol dispela wari na laikim bilong long sevis yu ting bai yu kisim long tupela minit olsem yu makim piga bilong yu.

Tingting na save stap long yumi wanwan manmeri, na sapos tingting bilong yumi orait na mak bilong vot bilong yumi orait kaikai bilong em bai kam long tupela minit tasol sapos askim bilong yumi go long dispela man o meri yumi makim.

T	A	R	A	G	A	U	B	I	L	O	N	G	N	A	I	T
A	E	J	M	S	I	L	P	E	D	R	C	B	N	A	Y	L
J	K	P	O	I	E	S	E	J	K	U	M	U	L	R	I	P
N	A	U	R	K	A	L	A	N	G	A	R	N	I	O	I	D
F	K	E	S	D	E	P	A	T	M	I	L	E	R	S	O	S
R	A	R	U	K	O	K	O	M	O	R	U	S	I	O	P	K
V	R	I	N	L	T	P	P	I	O	E	A	N	X	K	N	O
G	U	R	I	A	I	A	H	I	E	R	T	S	W	A	L	K
E	K	S	I	U	U	H	R	E	G	I	A	M	N	V	S	I
W	I	W	B	C	J	I	L	A	R	T	P	I	P	I	V	D
S	J	G	P	A	T	O	L	A	G	Z	C	B	T	V	I	P
I	H	J	D	O	N	E	S	F	E	A	U	A	O	I	V	B
A	B	M	K	E	P	R	S	F	R	Y	U	L	I	O	P	U
N	V	T	L	T	R	D	K	A	K	A	T	U	B	N	I	K
A	O	S	I	W	T	F	C	N	L	U	P	S	E	S	O	A
K	F	A	U	A	S	I	A	D	G	J	K	L	P	I	T	O
A	W	E	B	S	U	B	G	N	O	L	I	B	L	U	A	P

Painim ol dispela nem bilong ol pisin:

PISIN	KUMUL	PAUL BILONG BUS	KAKARUK	KAKATU
KOKI	BUKA	KOTKOT	GURIA	SELA
BALUS	PATO	WAITPELA GRAS	TARAGAU	KAVIVI
KOKOMO	KALANGAR	TARAGAU BILONG NAIT KANAI	PIPI	

		3	8			5	7	
5		6						8
4		7	9	2				
	3	9		8	6	2	5	
			2		1			
	6	1	3	5		8	4	
				4	8	1		2
3						6		5
	1	2			3	7		

7	2	8	1	4	3	5	9	6
1	5	9	7	6	8	2	4	3
4	3	6	2	9	5	8	7	1
9	8	4	3	5	7	6	1	2
2	6	5	8	1	9	4	3	7
3	1	7	6	2	4	9	5	8
8	9	2	4	3	1	7	6	5
6	4	3	5	7	2	1	8	9
5	7	1	9	8	6	3	2	4

Ansa bilong las wik Sudoku

Ansa bilong las wik Pasol

K	U	N	A	I	K	A	B	I	S	K	I	A	U	B
T	R	A	I	S	A				O	U				R
S	A		P			K			K	R	K			A
A	D		P	O	A			A	O	I	L	U	R	S
N	R		I	P	I			O	N		K			I
A			A	O		N			A					Y
N			I	I	K	U	L	A	U	S				R
A			S					P						B
K	O	N	I	P	I	T	P	I	T					
S			K							N				A
I			A	N	I	E	N			E				L
N			Y	A	M	B	O			E				K
B	I									K	A	I	P	A
R	P	L	A	U	L	A	U				O	T	E	T
I	O													N
P	K	O	P	R	A					K	A	W	A	R

EMTV Television Guide

12:05 PM AUSTRALIAN NETWORK
1PM - 3PM G CLASSROOM BROADCASTS continues.....
1:00 - 1:40 GRADE 6 MATHEMATICS
1:50 - 2:30 GRADE 6 SCIENCE
2:30 - 3:00 DEPI
3:00 PM G KIDS KONA
3:00PM - DORA THE EXPLORER
3:30PM - NEW MACDONALD'S FARM
4:00PM - THE SHAK
4:30PM - KITCHEN WHIZ
4:57 PM EMTV TOKSAVE
5:00 PM G HOT SOURCE
5:30 PM G MILLIONAIRE HOT SEAT
5:55 PM CRIME STOPPERS
6:00 PM G NATIONAL EMTV NEWS
7:00 PM G NRL ROUND# 10
Panthers vs. Dragons - Live/CH.9
8:57 PM G EMTV TOKSAVE
9:00 PM G TOK PIKSA
9:30 PM G SPORTS SCENE
10:00 PM G SUPER 15 RUGBY

Reds vs. Chiefs "Replay"
12:00 AM G EMTV NEWS REPLAY
1:00 AM AUSTRALIAN NETWORK

TUNDE 12 Jun, 2012

5:00 AM G JOYCE MEYER.
5:30 AM G TODAY
9:00 AM G CLASSROOM BROADCAST
9:00 - 9:40 GRADE 7 MATHEMATICS
9:50 - 10:30 GRADE 7 SCIENCE
10:40 - 11:15 GRADE 8 MATHS
11:20 - 12:00 GRADE 8 SCIENCE
12:00 AM G MIDDAY NEWS UPDATE
12:30 PM G AUSTRALIAN NETWORK
1PM - 3PM CLASSROOM BROADCASTS continues.....
1:00 - 1:40 GRADE 6 MATHEMATICS
1:50 - 2:30 GRADE 6 SCIENCE
2:30 - 3:00 DEPI
3:00 PM G KIDS KONA
3:00PM - DORA THE EXPLORER

3:30PM - NEW MACDONALD'S FARM
4:00PM - THE SHAK
4:30PM - KITCHEN WHIZ
4:57 PM G EMTV TOKSAVE
5:00 PM G HOT SOURCE
5:30 PM G MILLIONAIRE HOT SEAT
6:00 PM G NATIONAL EMTV NEWS
7:00 PM G HAUS & HOME
7:27 PM G EMTV TOKSAVE
7:30 PM THE VOICE S1
Performances Part 1
9:30 PM G FUNNIEST HOME VIDEO SHOW
10:30 PM EMTV NEWS REPLAY
12:00 PM Australia Network

TRINDE 13 Jun, 2012

5:00 AM G JOYCE MEYER.
5:30 AM G TODAY
9:00 AM GCLASSROOM BROADCAST
9:00 - 9:40 GRADE 7 MATHEMATICS

9:50 - 10:30 GRADE 7 SCIENCE
10:40 - 11:15 GRADE 8 MATHS
11:20 - 12:00 GRADE 8 SCIENCE
12:00 AM G MIDDAY NEWS UPDATE
12:30 PM G AUSTRALIAN NETWORK
1PM - 3PM CLASSROOM BROADCASTS continues.....
1:00 - 1:40 GRADE 6 MATHEMATICS
1:50 - 2:30 GRADE 6 SCIENCE
2:30 - 3:00 DEPI
3:00 PM G KIDS KONA
3:00PM - DORA THE EXPLORER
3:30PM - NEW MACDONALD'S FARM
4:00PM - THE SHAK
4:30PM - MR. MAKER
4:57 PM G EMTV TOKSAVE
5:00 PM G HOT SOURCE
5:30 PM G MILLIONAIRE HOT SEAT
557 PM G CRIME STOPPER
6:00 PM G NATIONAL EMTV NEWS
7:00 PM G THE WORLD AROUND US
- The War Reporter
8:00 PM GULTIMATE GUINEAS
WORLD RECORD

8:30 PM G THE SECRET MILLIONAIRE S1 - EP#6/6
9:30 PM SURVIVOR Returns.....One World
The 24th Edition of the reality series strands 18 castaways on a single Samoan beach, where they are divided into all-male and all-female tribes to vie for the \$1 million top prize.
10:27 PM G EMTV TOKSAVE
10:00 PM G NRL ROUND 10 HIGHLIGHTS
10:30 PM G EMTV NEWS REPLAY
11:30 PM - Australia Network - NEWS REPLAY

Program bai senis long taim bilong en..

Byakuho Co. Ltd kamapim stailpela Tagali Bris

Aja Alex Potabe i raitim

ROT na bris em i namba wan samting long karim sevis i go daun long ol pipel na kirapim ples, wanela man Japan i tok.

Siaman bilong Byakuho Co. Ltd, Nobuchika Ihara, i tok sapos gavman i luksave gut long rot na bris insait long PNG, kantri i ken kirap na lukim ol nupela sevis na di-velopmen i kamap.

Memba bilong Tari-Pori, James Marape, i bin kisim Byakuho Co. Ltd kam insait long mekim wanela stailpela na strongpela bris long Wara Tagali insait long Haypuga LLG long Tari, Hela Provins.

Nem bilong dispela bris em i 'Marape Unity Bridge' na Praim Minista Peter O'Neill, husat i bin opim dis-

pela bris, i bin wanbel na laikim dispela kampani tu long mekim wankain bris tu long arapela hap bilong kantri.

Byakuho Co. Ltd i bin kisim 5-pela enjinia bilong Japan i kam long go pas long dispela projek insait long 3-pela mun tasol. Ol i bin yusim K8.5 milian long mekim dispela bris.

Dispela bris bai nau sevim pipel bilong Pureni, Tani, na Hides. Ol dispela ples i save pait na kilim ol yet tasol nau taim bris na rot i op, ol i les long pait na kamapim birua namel long ol yet.

"Dispela bris em i strongpela bris stret. Mipela i kisim olgeta samting i kam long Japan na mekim dispela bris. Masin bilong mekim bris, na ol aien, na ol arapela samting i kam long Japan. Sapos sampela hap bilong

kantri tu i gat dispela kain bris, mi bilip olsem ples bai kirap na pipel bai tru tru lukim gavman sevis stret," Ihara i tok.

Em i tok mani mak bilong dispela bris em i antap moa long K30 milian tasol Byakuho i daunim dispela mak na mekim wok long K8.5 milian tasol.

"Ol wokman i mekim gut wok ariap stret insait long 10-pela wik tasol. 5-pela enjinia i kam long Japan i bin wok wantaim 10-pela asples man. Moa long 30-pela ol asples man i bin mekim gut wok stret na ol i nau save gut long mekim bris.

"Pinis long wok na mipela i givim setifiket long ol. Mani bai kam na go tasol, dispela save ol i kisim bai nonap lus. Em i ken halivim ol long bihain taim bilong ol," Ihara i tok.



Marape Yunaiti Bris...Byakuho Co. Ltd i mekim dispela bris long 10-pela wik tasol.
Poto: Kotaro Kondo

Chevron kambek long PNG

Aja Alex Potabe i raitim

BIKNEM wel na ges kampani bilong Amerika, Chevron Texaco, i kambek pinis long PNG, Tresara Don Polye i tok.

Polye i tok em i sindaun na toktok wantaim ol pinis las wik.

"Mi sindaun na toktok pinis wantaim ol. Ol i kam bek gen long kantri bikos ol i laik long mekim gen wel na ges bisnis long PNG," Polye i tok.

Chevron i bin ronim Kutubu na lagifu wel projek long Sauten Hailans tasol ol i bin salim ol dispela projek i go long Oil Search Ltd, husat i baim op long yia 1992.

Taim moa petroleum projek i kamap long kantri, Chevron i kambek gen bikos PNG em i 1-pela gutpela kantri long mekim wel na ges bisnis.

Polye i tok Gros Domestik Prodak (GDP) bilong kantri tu i groa go antap long 9.2 pesen.

"Olsem na planti kampani i laik kam insait. Dispela gavman i ronim gut kantri. I gat gutpela politikel stebiliti i stap.

"Gavman i bihainim baset long yusim mani, i no yusim nating nating olsem bipo gavman bilong Somare save mekim.

"Mi amamas long lukim ol biknem kampani i kam insait long kantru bikos ol i save olsem yumi gat planti moa

Air Niugini em i groa

Aja Alex Potabe i raitim

BALUS kampani bilong PNG, Air Niugini, em i stap long gutpela mak bilong groa i go bikpela, Praim Minista Peter O'Neill i tok.

O'Neill i mekim dispela toktok taim em i tok welkam na tok amamas long lukim na kisim nupela Air Niugini Dash 8-200 siris aninit long rejistresen namba P2-PXI las wik Fonde long Jackson's Ples Balus.

Pailot meri Rhonda Ilave wantaim arapela 4-pela pailot i kisim dispela balus i kam long Calgary, Kanada (Canada).

"Dispela nupela balus em i kam long rait taim stret.

Kain kain maining na petroleum projek i kamap long kantri. Sevis bilong dispela balus bai halivim ol pipel na kampani long mekim gut bisnis bilong ol long kantri," O'Neill i tok.

"Ikonomi bilong PNG em i groa. Gros Nesenel Prodak (GDP) bilong kantri i go antap long 9.2 pesen. Dispela em i gutpela taim bilong mekim bisnis, na mi amamas long lukim Air Niugini kisim dispela sans long mekim bisnis long sevim pipel," em i tok.

Siaman bilong Air Niugini bot, Garth McIlwain i tok Air Niugini bai bain 4-pela moa balus neks mun. 3-pela bai Dash 8, we 1-pela bai karim ol kago tasol, i no pasindia.

1-pela bilong dispela 4-pela balus bai ol i baim Boeing 737 – 700. Dispela balus bai ron insait long kantri wantaim sampela ron long ovasis tu wantaim.

Dispela em i nupela kain balus, we Air Niugini i no bin gat bipo.

McIlwain i tok Air Niugini em i groa i go moa bikos long hatwok bilong ol wok manmeri, bot na menesmen, na sapot bilong gavman.

"Yumi olegta mas amamas long dispela. Em i prut bilong hatwok bilong yumi olgeta," em i tok.

Air Niugini i gat `12-pela Dash 8 balus, 7-pela Fokker 100, na 2-pela Boeing 767.



OPIM NUPELA BALUS...Praim Minista Peter O'Neill (namel), siaman bilong Air Niugini bot, Garth McIlwain (raithan), na CEO Wasantha Kumarasiri, i katim ribon long opim dispela nupela Dash 8-200 balus. *Poto: Nicky Bernard*

Ol Wewak Wimen in Bisnis kisim projek proposal trening

Paul Fuzo i raitim

LUKSAVE na senis we i wok long kamap insait long wol we "Gender Equality" na patisipesen "O Man na meri i sanap long wankain level" long kontribut long wok developmen bilong kantri i mas stap long olgeta eria bilong laip na wok insait long sosaeti bilong yumi PNG.

Wanpela eria bilong developmen em kamapim ol liklik wok bisnis insait long ples na komyuniti we dispela i ken helpim lokel ekonomi na welt kriesen bilong ol pipel. Ol meri tu i ken patisipeit ikwali wantaim ol man long kamapim developmen na senis insait long kantri long rot bilong wok bisnis. Gavman i luksave long dispela na nau i wok long kamapim ol trening woksop long sapotim ol meri husat i laik kisim mo save long kamapim na growing ol liklik bisnis bilong ol.

Wanpela provins we nau i wok long go pas long strongim wok bilong Women In Bisnis em Is Sepik Provins, dipatmen bilong Komes na Indastri insait long Is Sepik Provinsel Edministresen long las wik i lukim 45 bisnis meri olgeta i kisim setifiket bihain long ol i pinisim 2wiks bisnis skills na projek proposal raiting trening woksop we ol i bin holim long senta ov Hope long Wewak.

Meri husat i bin go pas long givim dispela trening, Mrs. Gethrude Karu i tok, dispela trening em i strongpela na e mi bilip dispela 2wiks em i helpim ol dispela meri long

nau yet inap raitim ol projek proposel bilong ol yet sapos ol i laik kisim helpim long bank dona o ol dona fanding Egensi, tasol Karu i tok ol i mas kam bek long em long sekim gut bipo ol i sabmitim.

Long wankain taim Bosmeri bilong Women In Bisnis long desk bilong Nesinel Developmen Benk (NDB) Misis Jenet Kaule husat tu i bin kamap long lukim dispela greduesen i tok NDB i amamas long lukim kain trening i kamap insait long long Is Sepik Provins na dispela em i nambawan kain insait long kantri.

Misis Kaule i tok NDB i amamas tu long wok bung wantaim divisen bilong komes, smol bisnis developmen koporesen na Women i Bisnis insait long Is Sepik Provins long sapotim ol meri long givim aut ol liklik dinau mani long helpim ol meri long strongim wok bisnis bilong ol.

Em i tok NDB nau igat K20m istap long givim dinau igo long ol meri na em i gutpela long lukim ol meri i kisim ol kain trening olsem long inapim laik bilong benk so benk i ken luksave gut long wanem kain bisnis stret wanpela meri i laikim na i ken givim helpim. Bosmeri bilong divisen bilong Komes na Indastri, Mrs. Elizabeth Kaprangi tu i givim planti salens tok igo long ol dispela meri na i tok; save ol i kisim ol mas yusim na helpim tu ol narapela meri tu husat i laikim helpim long putim ol bisnis tingting bilong ol igo insait long pepa long kamapim proposel.



GLASIM RAMU NICO PROJEK



Wanpela Ramu Nico, Wanpela Komuniti

Ramu NiCo Helivim Raikos Hai Skul

PLANTI manmeri insait long Madang provins na kantri I save olsem Raikos em I wanpla elektret insait long Madang provins na kantri we I no gat planti gavaman servis.

Insait long Raikos electorate tu I gat wanpla bikpla Hai Skul, Raikos Lutren Hai Skul we I bin kamapim planti save man na meri bilong kantri. Tasol bikos I no gat gavaman servis na luksave, displa skul I bin kisim bikpla hevi long sait bilong skul infrastructure.

Skul infrastructure olsem klasrum bilong stadi, dom bilong silip, mes bilong kuk na kaikai, toilet bilong ol sumatin, library na ol narapla we bai I helivim ol sumatin stadi gut na kisim save I bin bagarap nogut tru.

Taim Ramu NiCo I bin kam insait long 2006, kampani I bin gat bel isi na tingting long helivim displa skul.

Bos meri bilong Kampani Madam Luo Shu I bin wokim wanpla wokabaut raun I go long skul na I bin toktok wantaim head masta na kisim tingting long ol wanem helivim kampani I ken givim.

Long displa raun, lewa bilong Madam Luo I bin buruk stret taim em I lukim ol sumatin I bin silip long floa bilong dom, kuk na kaikai arasait na tu nogat gutpla klasrum na toilet. Em I wari tru olsem em yet I wanpla mama we I lukim displa hanger long ai bilong ol pikinini husait I laik skul na kisim save long kirapim gutpla sindaun.

Taim em I bin bungim bipo headmasta, Nichola Asuak long displa ron wokabaut, Madam Luo I givim tok promis olsem kampani I bai helivim long wanem wei em I ken tasol kain helivim bai kamap sapos displa nikel main I kamap gut stret na mekim profit moni.

Bihain long displa ron, Madam Luo I no westim taim. Long August 5, 2010 Ramu NiCo I donatim wanpla nupla trakta mak long moni prain K40,000. igo long skul. Displa strongpla lida meri I bilip olsem I no gutpla long "kilim pis na givim long skul tasol mas givim huk na skul yet kilim pis". Displa em min olsem skul yet I ken yusim trakta long mekim wok fam, kamapim gutpla kaikai long gaten na ol

sumatin I ken kaikai na salim.

Long displa trakta donation taim, Madam Luo I tokim ol pipol olsem Ramu NiCo I gat bikpla bel hamamas long helivim skul sapos projek I kamap gut klostu na helivim wantaim bel isis na gutpla tingting long kamapim human resos bilong kantri.

Displa tok bilong helivim skul we Madam Luo I toktok em I no bin lus tingting.

Long las mun, May 28, Ramu NiCo I givim gen narapla bikpla helivim long skul long mak bilong 50-pla double bunk bet we ol sumatin bai I husim long silip.

50-pla double bunk bet em mean olsem inap long 100-pla sumatin long Rai Kos Hai Skul bai nau silip long gutpla bet na ino olsem bipo we ol I save silip long floa.

Ol wanwan bet em I mak long K90. na total mani mak I stap olsem K4,500. olgeta.

Bik man makim Ramu NiCo long Basamuk Refiniri, Pang Hengli I givim displa donation I go long het masta bilong Rai Kos Hai Skul, Al-

fred Nabong. Ol man husait I bin witnesim displa donation em deputy general manager bilong community affairs (CA) George Wang na CA wok man Kingsley Zhang Haoen, Nick Genaia na Kilisi Sapom.

Het Masta Alfred Nabong wantaim ol lain bilong skul I bin stap long displa donation. Siaman bilong Basamuk landowner, Lima Mullung tu I bin witnesim displa donation.

Mista Pang I tok olsem Ramu NiCo I hamamas long helivim skul bilong wanem kampani I gat bikpla bilip olsem ol sumatin I kisim gutpla save bai komuniti na kantri bai I senis long gutpla sait.

Mr. Pan I tok tu olsem Ramu NiCo I laik tru long lukim ol sumatin I silip gut long bet, kaikai gut, na skul gut, nau na bihain taim tu.

Het Masta, Nabong tok tenkyu makim maus bilong ol sumatin na papa mama na tok displa helivim bai kamapim bikpla senis insait long stadi laip bilong ol sumatin.

Em I tok tu olsem displa kain helivim bilong Ramu NiCo em I no

fest taim. Pastaim I bin gat planti helivim na em I gat strongpla bilip olsem Ramu NiCo bai I helivim skul long longpla taim sapos projek I kamap gut na mekim moni.

Basamuk LOA siaman, Mullung I hamamas long kampani I kam na givim kain helivim we bai I helivim Rai Kos elektoret na Madang provins. Displa em I tok wanpla bikpla helivim na appeal long ol papa na mama I mas wok bung wantaim Ramu NiCo long kamapim Ramu NiCo Projek.

Bel na wari bilong Madam Luo Shu long helivim Rai Kos Hai Skul na lukim ol sumatin bilong skul I kaikai gut, silip gut, waswas gut na stadi gut em I stil stap yet long bel bilong em. Tasol wanbel I stap olsem kain helivim na ol narapla bai kamap sapos Ramu NiCo Projek I kamap gut na mekim win moni.

Long displa as tingting tasol, planti taim Madam Luo I save tokim ol stakeholder, papagraun, LOA association na tu ol narapla stakeholder olsem, "lukautim Ramu NiCo Projek, na Ramu NiCo Projek bai lukautim yu."



Mr. Pang holim setifiket blong donation wantaim ol wok man long Ramu NiCo na Rai Kos Hai Skul. Ol bet i stap long baksait.



Madam Luo i sanap wantaim nupla trakta donation igo long Rai Kos Hai Skul.



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk refiniri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

*Wanpela
Ramu NiCo,
Wanpela
Komuniti*





AMAMAS: Sri Lanka tim i amamasim wanpela win bilong ol long Me 27 taim ol i stap insait long wanpela kriket tonamen long Mosbi agensim ol arapela kantri long makim Australia wik long dispela yia. *POTO: Australia HiComm.*



PILAI: Ol sumatin long Kimbe i pilai soka aninit long Just Play program bilong PNGFA, taim ol i kisim dispela program i go long hap long las wik. *POTO: PNGFA.*



HOLIM EM: Wanpela Lions pilaia i traim long ronawe long birua bilong em bilong Isapea long rraun 8 Digicel kap gem bilong ol long Mosbi las wik Sande. *POTO: Nicky Bernard.*



PAINIM SAPOT: Senta bilong Lions, Anton Kui abrusim wanpela Isapea pilaia na i painim rot long tromoi bal i go. *POTO: Nicky Bernard.*



WANPELA TIM: Bomai Pythons B Gred tim we husat ol i bin stap insait long Madang ragbi lig 9's resis long las wik. *POTO: James Kila.*



NO kar tasol i gat resis gem bilong ol, planti ol arapela masin tu we yumi save lukim olgeta de, i gat wanwan resis bilong ol tu.

Wanpela long ol em motobaik (motor bike). Motobaik em i narapela masin we i ron long rot olsem ol kar we ol manmeri save yusim, tasol i gat ol motobaik we ol i mekim bilong resis insait long ol bikipela gem na tonamen olsem bilong ol kar.

I gat 4-pela kain resis bilong ol motobaik, dispela ol em rot resis (Road Racing), Motokros (Motocross), enduro na kros kantri (Enduro and Cross Country) na trek resis (Track Racing).

I gat ol kain kain resis we i kam aninit long dispela 4-pela kain stail bilong motobaik resis.

Na wanwan long ol dispela kain resis tu i gat wanwan stail motobaik bilong ol yet we inap long stap insait long dispela kain resis na i bihainim tu ol loa bilong gem.

Histri na stail bilong gem

Resis long motobaik em i no nupela samt-ing na i bin stat long 1940's yet.

Wanwan tonamen na wanwan stail bilong resis i gat wanwan taim bilong ol yet we ol i stat long en.

Tasol wol sempionsip resis bilong Gron Pri (Grand Prix) motobaik resis stret i stat long 1949.

Dispela resis i save lukim ol baik wantaim ol tu 4 strok enjin i ron insait long en.

Tasol long 1979 i kam inap long 2001, planti draiva i wok long yusim tu strok enjin bilong wanem em i spit moa long 4 strok.

Dispela i wok long senis gen nau bilong wanem planti lukim gen olsem ol 4 strok enjin i gat moa pawa long ol tu strok enjin. Sampela ol nupela baik tu i gat pawa na spit bilong tupela masin wantaim na i mekim dispela resis i go strong moa yet namel long ol draiva.

Ol biknem kampani bilong mekim ol baik insait long dispela spot em Suzuki, Honda na Yamaha.

Dispela ol baik i stap long taim resis i stat long 1949 yet i kam inap nau na ol baik bilong ol tu i wok long kamap spit na strong moa bihainim save bilong ol long gem tu.

Ol i bin stat wantaim ol 200cc na 500cc enjin wantaim ol tu strok na 4 strok tasol long dispela yia ol i apim i go long 1000cc, insait long dispela sempionsip.

Dispela spot i stat long Amerika na Yurop tasol em i strong tu long Esia we planti ol baik i save kam long en.

Olsem long resis bilong ol kar, ol baik tu i save raunim wanpela hap rot inap long hamas taim ol i makim long en.

Husat i pinis pas i save win.

Sampela taim, husat ol lain i save pinis pas i save kisim poin na bihain long olgeta resis, ol i save bungim poin na makim wina.

Ol arapela kain motobaik resis i gat stail bilong ol yet long makim ol wina bilong ol.

Sampela i save resis long bikipela rot, brukim bus na kalapim maunten long kamap pas long mak na win na sampela i save ron i go daun long wanpela stretpela rot long lukim husat bai kamap pas.

Na sampela i save resis long lukim taim bilong wanwan draiva na husat i spit moa i save win.

Motobaik resis long PNG

I gat laik bilong kamapim motobaik resis long PNG, tasol olsem long resis bilong ol kar, em bai kos bikipela mani tru na planti moa wok i mas kamap bipo long kain samt-ing i ken kamap long hia.

I mas i gat rot na ples bilong resis, kos bilong baim na lukautim ol motobaik bilong resis, kos bilong kisim ol save manmeri bilong kamapim na ronim gem na tu lukautim ol baik taim ol i bagarap, ol draiva na ofisol i mas kisim gutpela trening na eksperiens long stap insait long en na tu i mas i gat ol

sapota na manmeri husat bai laik long lukim dispela gem i kamap.

Kain gem tu i mas i gat planti bikipela sponsa na ol TV kampani long kisim piksa long en bai ol i lukim long ol arapela kantri tu.

Em i bikipela samt-ing.

Tasol i gat sampela bai k resis i kamap long hia pinis long bipo, dispela em long


sait bilong motokros na arapela resis insait long bus wantaim ol baik we i ken ron long ol rot nogut na bus.

Tasol em i kos bikipela mani na i nogat inap sapot long kamapim planti kain resis long PNG olsem na ol i no save kamap moa.

Olsem long ol kar resis, em i ken kamapim planti gutpela samt-ing tu sapos em i kamap long hia.

Moa manmeri bai lainim wok bilong mekim na stretim ol baik, kisim save long kamapim na ronim gem, long ronim baik na tu long planti arapela wok we i save kamap insait long dispela spot.

Em i ken kamap long PNG, tasol planti moa manmeri olsem yu i mas save long dispela kain spot na luksave long gutpela na bikipela bilong en.



HAP HAP: Wanwan hap bilong wanpela resis baik.



TANIM: Spit bilong ol baik i mekim ol i save go daunblo tru taim ol i saitim long kona.



GO DAUN: Sempion bilong Australia, Casey Stoner i redi long tainim wanpela kona.



SPIT: Sampela ol baik insait long wanpela resis.



SPOTS DRO RAUN 14

Fraide : 8 June, 2012



AAMI Park
Storm V^s W/Tigers



Sarare: 9 June, 2012



Hunter Stadium
Knights V^s Raiders



Sande: 10 June, 2012



Toyota Stedium
Sharks V^s Titans



Allianz Stedium
Roosters V^s Broncos



Mande: 11 June, 2012



Centrebet Stadium
Panthers V^s Warriors



**Bai: Manly, Bulldogs, Dragons,
Cowboys, Eels, Rabbitohs**

Raun 11 Poins Leda

Pos	Tim	W	L	D	B	+/-	Pts
1.	Storm	11	1	0	1	209	24
2.	Broncos	8	4	0	1	78	18
3.	Bulldogs	8	5	0	0	92	16
4.	W/ Tigers	7	5	0	1	36	16
5.	Sea Eagles	8	5	0	0	17	16
6.	Sharks	7	5	0	1	4	16
7.	Rabbitohs	7	5	0	1	3	16
8.	Cowboys	7	5	0	0	58	14
9.	Warriors	5	7	0	1	-16	12
10.	Titans	5	7	0	1	-22	12
11.	Dragons	6	7	0	0	-34	12
12.	Roosters	5	7	0	1	-78	12
13.	Knights	4	8	0	1	-55	10
14.	Panthers	4	8	0	1	-71	10
15.	Raiders	4	7	0	1	-88	10
16.	Eels	2	10	0	1	-136	6

Maroons bai wetim Scott



PROP fowet bilong Cowboys na Maroons, Matt Scott i lusim gem long go lukim mama bilong em husat i sik, na planti wari olsem nogut em nogut ol selekta bai no inap kisim em long namba tu Stet ov Orijin gem long wik i kam.

Tasol Maroons kosa, Mal Meninga i tok ol bai givim inap taim long Scott long stap wantaim mama na famili bilong em bipo em i go bek long pilai.

Meninga i tok ol i no inap

mekim senis long tim we i winim gem namba wan tupela wik i go pinis long Melbourne agensim Blues.

Mama bilong Scott, Diane, i gat sik kensa (cancer) long nek bilong em na pikinini bilong em i go bek long ples bilong ol long Longreach las wik Fraide long stap wantaim em.

Sapos Scott i tok em bai no inap pilai, Meninga bai putim Nate Myles i go long ples bilong em na Corey Parker bai kam insait long tim long ples bilong Myles long intasenis.

You Bake with Yubake™ A Unique Opportunity

Do you love cooking?

Do you wish to earn an income, or look after your village baking needs?

If so, we would love for you to become a part of our vision – that every village in PNG enjoys the benefits of a Yubake™ Bush Oven and a certified ‘village baker’.



Yubake™ Bush Ovens are a world first product specifically designed for PNG – it is light enough to be carried, is economical in cost, and bakes a quality product.



BNG Trading Limited is proud to offer the opportunity to participate in a series of one day baking courses at its training facilities in Lae and Port Moresby. The cost of the course is K500.00, with 2 courses of 10 attendees at each location, where participants will be trained to make bread, scones, and sweet bun.

At the end of the course, participants will receive course notes in pidgin and english including baking methods, recipes, course certification as a village baker, and;

- One Yubake™ Bush Oven,
- Two back-packs to carry the lightweight Bush Oven along with starter pack of 1kg Bakery Delights White Bread Mix and yeast, bread tray and a scraper,
- A list of other baking equipment that will need to be purchased such as baking bowls and cooling trays.

You are invited to take part in our competition by forwarding a description, in 25 words or less, of how you intend to use the Yubake™ Bush Oven and the training provided.

As a result of demand, only the best entries will be selected to participate in the scheduled baking courses.



BNG TRADING COMPANY LIMITED
Importers and Distributors Since 1924

Please submit your entries (all entries are to include current phone number) to
PO Box 239 Waigani, NCD before 21 June 2012.
Only the best entries will be selected.

Madang makim kriket skwad bilong PNG Gems

WANWAN provins i wok long makim ol tim bilong ol long wanwan spot ol bai pilai long en long PNG Gems long Kokopo long Novemba, dispela yia.

Las wik, Madang i tokaut long nem bilong ol pilaia husat bai makim ol long kriket long dispela bikipela tonamen.

Ol i mekim dispela bihain long fainol bilong Dulux Provinsol Sempionsip we i kamap long Divine Word University oval long Me 20.

Madang Tech i winim Jomba long fainol bilong ol man long kamap sempion bilong tonamen.

Skwad ol i makim i gat ol pilaia long olgeta tim insait long kompetisen wantaim planti moa i kam long Madang Tech na Jomba husat ol i go insait long fainol.

Dispela skwad em: Angmai Sibeth (Jomba), Steven Peter (Remington), Tomtom Ora (Madang Tech), Hoffman Sungai (Save the Children), Frederick Owen (Madang Tech), Venezus Suke (Save the Children), Junior Bevan (Madang Tech), Rarau Kopi (Remington), Taina Pewa (Jomba), Levine Milag (Jomba), Keith Awaii (Madang Tech), Jerome Yakumani (Save the Children), Paul Sibeth (Jomba), Vincent Pih (Jomba), Sebastian Owen (Madang Tech), Douglas Jenjet (Jomba), Junior Paul (Madang Tech), Junior Munul (Remington), Isaac Amsor (Jomba), Timothy Tawali (Madang Tech), David Ora (Remington), Nangit Puguk (Jomba), Enoch Pasu (Save the Children), Memafu Sabadi (Madang Tech).



PAITIM: Erik Owen bilong Madang Tech i winim awod olsem nambawan pilaia insait long sempionsip. *POTO: CPNG.*

Bomai Pythons winim Madang 9's

BOMAI Pythons i soim pawa bilong ol taim em i daunim New Town Panthers 18-10 long winim fainol bilong Madang ragbi lig 9's kompetisen long las wik Sande long Ron Albert oval.

Namba wan hap bilong pilai lukim tupela tim i pilai strong tru.

Kepten bilong Panthers, Eddie Sivolu wantaim Blasius Kenneith i pilai strong tru long

traim kamapim ol sans long ol pilaia bilong ol i go skoa, tasol ol man bilong Saut Simbu i no givim sans long ol.

Ol pilaia bilong Pythons olsem Yal Wai, Michel Gunn, Danny Lem na Gordon Daba i putim strongpela difens tru na i no givim sans long ol mangi bilong New Town.

Gutpela stail pilai bilong Lam long seken hap i helpim ol Pythons na long daunim

strong bilong Panthers na winim gem.

Fainol bilong B gret divisen i lukim dispela tupela tim i bung gen tasol ol Panthers i daunim Pythons 6-0 long dispela gem.

Daba i bin pilai tu long dispela B gret gem wantaim strongpela fowet olsem Mike Toto na narapela ol pilaia, tasol pawa bilong ol i no inap long daunim ol mangi New Town.

Dispela 9's kompetisen em bisnis man long Madang, Stanley Pil i sponsaim.

10-pela tim olgeta insait long Madang lig i bin resis insait long en.

Pythons i bin go insait long fainol bihain long em bagarapim sindaun bilong Snax Tigers long narapela wik antap, na Panthers i bin sutim daun Tarangau long go insait long fainol.



MASKOT: Dispela sinek em mascot bilong ol Bomai Pythons na ol i soim em ta9im ol i go long pilai las wik. *POTO: JAMES KILA.*

Carney mas kirap

i kam long bek pes..

"Em i save wanem samting long mekim nau na tingting bilong em bai strong moa long kirapim gem bilong em," Pearce i tok.

Long wankain taim, ol Blues i kisim Anthony Watmough i kam insait long ples bilong Tony Williams husat i kisim bagarap.

Narapela em Tim Grant bilong Penrith husat bai pilaim namba wan Stet ov Orijin gem bilong em.

Kundus no win yet

OL i go wantaim gutpela tim na strongpela tingting long putim gutpela mak tasol nau yet, ol PNG Kundus i no winim wanpela gem bilong ol yet insait long Nations kap resis long Solomon Ailans.

Kundus i pilaim tripela gem pinis na nau yet i stap las long grup B divisen insait long tonamen.

Long dispela grup, Nu Silan i go pas wantaim 6 poin, Solomon Ailans i stap namba tu ples wantaim 4 poin, Fiji gat

wan poin long namba tri ples na PNG long namba 4 ples i nogat poin yet.

Long namba wan gem bilong ol agensim Solomon Ailans long las wik Sarere, ol i lus 1 – 1, na long Mande dispela wik ol i lus long Nu Silan 2 – 1.

Long Trinde dispela wik, ol Kundus i lusim namba tri gem bilong ol insait long tonamen agensim Fiji 1 – 0.

Ol fainol bai stat long Fraide dispela wik, we bai lukim wina

bilong Grup B i pilaim Nu Kaledonia bilong Grup A insait long semi fainol.

Husat i lusim dispela gem bai pilaim Tahiti long winim ples long pilai insait long fainol wantaim wina bilong gem namel long Nu Kaledonia na wina bilong Grup B.

Tahiti winim namba wan ples long Grup A na Nu Kaledonia i stap namba tu.

Tupela tim husat i win bai resis long kisim namba tri ples.

SPOT RAUN
WANTAIM
Scott Vavine, ML



Wok bilong redim ol etlit em i mas namba wan

OL wok redi bilong yumi long holim 15 Pasifik Gems long hia long 2015 i stap baksait tru tasol yumi mas tingim olsem namba wan samting yumi mas lukluk long en nau em long redim gut ol etlit bilong yumi long stap insait long dispela bikipela gem.

Etletiks, weiltlifting na swimming em ol spot we i soim gutpela wok long salim ol pilaia bilong ol i go stap na trening na pilai long ovasis tasol ol arapela spot i no mekim wanpela samting olsem yet long redim gut ol etlit bilong ol.

Dispela i no gutpela na bai mekim ol samting i hat long ol yet taim gem i kamap.

Wanwan spots Federesen i mas lukluk na stretim ol yet na i go het long mekim ol wok redi bilong ol hariap.

Ol i ken kisim helpim bilong PNG Sports Foundation (PNGSF) na PNG Sports Federation and Olympic Committee (PNGSFOC).

Nau taim mi wok long raitim dispela hap tok i stap, ol wanwan spots federesen i redim ol trening plen bilong ol na i wetim tasol mani long mekim wok bilong ol i kamap.

PNGSF na PNGSFOC bai gat mani long helpim ol i kamapim wok long dispela ol plen bilong ol aninit long "Grassroots to Gold" program bilong ol.

Na taim ol i kisim dispela mani, em i mas i go long wok bilong painim ol gutpela pilaia, trening na kompetisen.

Ol i mas save tu long ol pilai graun na gutpela ples bilong ol long pilai na trening.

Wanpela samting mi lukim insait long laip bilong mi long spots em olsem, ol pilaia i save kamap gut stret na i luksave long olgeta strong na save bilong ol long pilai taim ol i kisim gutpela trening aninit long was bilong ol nambawan trena na kosa long wol.

Dispela kain trening em ol etletiks, swimming na weiltlifting i givim nau long ol pilaia bilong ol.

Yu tu bai luksave olsem ol i pilai gut moa taim yu lukim ol i resis bihain long ol i kisim dispela kain intanesenel trening.

Kain trening na wok redi e mol samting yumi mas lukluk long en nau bipo long Gem i kamap long hia.

1991 Saut Pasifik Gems em i gutpela piksa long ol gutpela wok redi we i kamap bipo na ol wanwan spots Federesen i mas lukluk bek long dispela na mekim wankain.

Mi gat bilip olsem olgeta pilaia i mas kisim gutpela trening long ovasis sampela taim.

Em bai helpim ol long redi gut na tu ol bai pilai gut moa long gem bilong ol.

Yumi olgeta i lukim gutpela mak ol pilaia bilong yumi soim bihain long ol i go stap na trening gut long ovasis.

Bai yumi stretim ol plen bilong yumi olsem wanem long lukim em i karim gutpela kaikai?

Ol nesenel spots federesen bilong yumi tasol i ken bekim dispela askim.

Ol bai gat save na bikipela plen long helpim ol arapela liklik spots federesen long kamapim na bihain gut ol wanwan plen bilong ol yet tu.

Namba wan samting olgeta spots i mas mekim nau em long go aut na painim ol gutpela spots manmeri we ol i ken trenim na redim ol bilong bihain taim.

Ol arapela pilaia husat i stap pinis long trening na pilai, ken wok hat long redim na stretim ol yet tu tasol ol spot i mas wokhat long painim planti moa long kisim ples bilong ol olupela pilaia taim ol i pinis long pilai.

Planti ol spots federesen i nogat dispela program i stap na ol bai painim hat long kisim ol nupela pilai long go insait long ol developmen program bilong ol.

Taim yu painim ol pilaia pinis, ol arapela wok bilong helpim ol i kamap gut, bai bihainim na ron gut tasol.

Planti trening na pilai long ovasis em i nambawan rot long redim ol pilai gut na yumi bai kisim planti gutpela samting long en tu sapos yumi bihainim ol toktok bilong yumi na putim mani bilong yumi go insait long en.



NEW PREMIUM TUNA


DIANA

PROUDLY PNG MADE

DIANA Hot & Spice
DIANA Mild & Creamy
DIANA Tuna with Mayo
DIANA Barbecue Flavour

Carney mas kirap

Las sans bilong Blues



WANPELA man husat i ken helpim ol Blues long winim namba tu Stet ov Ori-jin gem dispela yia, em faiv eit, Todd Carney.

Planti toktok i kamap olsem em i no mekim planti samting tumas long gem namba wan tupela wik i go pinis we ol Ma-roons i bin winim, tasol long Trinde wik i kam, em i laspela sans bilong ol Blues long pasim ol Maroons long winim namba 7 taitol bilong ol insait long 7-pela yia.

Blues kosa, Ricky Stuart i tok, em i bin namba wan gem bilong Carney long Gem wan na em i pret liklik.

"Olgeta pilaia i save pret liklik long namba wan gem bilong ol," Stuart i tok.

Em i tok tu olsem Carney bai pilai gut moa long namba tu gem na ol i no wari tumas long dispela.

Gutpela poro na tu wanpilai bilong Carney long Blues, Mitchell Pearce tu i bilip Carney bai kam bek strong long namba tu gem.

"Em i tok em i pret liklik na mi tu lukim olsem bipo long gem, olgeta pilaia tu i save pilim wankain olsem na mi save em bai redi nau long paia long gem tu," em i tok.

Moa long Pes 35.

I GAT WOK: Ol Blues i bilip Carney mas strongim gem bilong em long helpim ol i winim gem tu.

Johnston's Pharmacies



For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.



**P.O.Box 1066 Boroko.
Phone 325 3185. Fax 325 0190.
Email sales@johnstons.com.pg."**